



Prome agenda y rapport di implementacion di landspakket pa 2025: Implementacion di reforma financiero afecta pa atraso, bottleneck, escasez y inaccion



- **Gobierno a aproba fondo necesario pa renobacion di Arubahuis**

Pagina 4

- **Hulanda ta lansa un plan nacional pa calor**

Pagina 7

- **Colombia: 22 morto y 8 desaparecido pa tera los**

Pagina 10

Problema cu friamento a causa incomodidad na Hospital



Pagina 4

Loke ta den e version mas recien di Trump su legislacion den Senado



Miles ta protesta tocante adopcion di euro na Bulgaria



*CPI pa e periodo mei 2024 - mei 2025***9 di 12 sector a registra aumento di prijs**


Recientemente, Bureau Central di Estadistica (CBS) di Aruba a publica e Indice di Prijs di Consumo pa ultimo 12 luna te cu mei. Den esaki a nota cu 9 di 12 sector a registra aumento di prijs.

Indice di Prijs di Consumo

Den e ultimo diesdos (12) luna, e CPI a subi cu 0.1%, unda nueve (9) di diesdos (12) sector a registra aumento di prijs. E aumentonan cu tabatin e mayor efecto riba e CPI a wordo registra pa e sectornan di “Comunicacion” (3.2%), “Restaurant y hotel” (4.3%), “Mobilario” (1.7%), “Vivienda” (0.4%) y “Restante bienes y servicio” (0.7%) y causando un efecto di respectivamente, 0.28, 0.21, 0.15, 0.09 y 0.08 ppt. E aumentonan den e sectornan restante a contribui cu un efecto di 0.21 ppt riba e CPI di Mei 2024 – Mei 2025.

E aumentonan aki a wordo contraresta parcialmente door di reduccionnan den e indicenan di e sectornan di

“Transporte” (-5.2%) y “Recreacion y cultura” (-2.0%), cu a contribui cu un efecto di respectivamente, -0.70 y -0.17 ppt. E aumento den e sector di “Comunicacion” a wordo causa door di un aumento den e categoria “Ekipo di telefon y fax” (90.6%), causando un efecto di 0.28. E aumento den e sector di “Restaurant y hotel” a wordo causa door di aumentonan di 2.3% y 83.1% den e categorianan “Cuminda pafo di cas” y “Servicio di alohamento”, causando un efecto di respectivamente 0.11 y 0.10 ppt. E aumento den e sector di “Mobilario” a wordo causa door di principalmente un aumento di 24.6% den e categoria “Hermen y ekipo pa cas y hardin”, causando un efecto di 0.16 ppt. E aumento den e sector di “Vivienda” a wordo causa principalmente door di un aumento den e categoria “Mantencion y reparacion di vivienda” (2.3%), causando un efecto di 0.13 ppt. E aumento den e sector di “Restante bienes y servicio” a wordo causa door di principalmente un aumento di



6.2% den e categoria “Otro articulon personal”, causando un efecto di 0.07 ppt. E reduccion den e sector di “Transporte” a wordo causa door di un reduccion den e categoria “Gasto relaciona cu uso di vehiculo di transporte personal” (-9.7%), causando un efecto di -0.84 ppt. E reduccion den e sector di “Recreacion y cultura” a wordo

causa principalmente door di un reduccion di 6.6% den e categoria “Vacacion”, causando un efecto di -0.15 ppt.

Canasta di consumo

Den e ultimo año cu a pasa 46.1% di productonan den e canasta di consumo di e CPI a conoce un aumento di prijs causando un efecto di 2.54 ppt, mientras cu 43.4% ta muestra un reduccion di prijs, cu a contribui cu un efecto di -2.39 ppt y pa e restante 10.5% no tabatin cambio den prijs. E indice di “Bienes” a registra un reduccion di 0.5%, causando un efecto di -0.27 ppt, mientras cu e indice “Servicionan” (1.0%) a registra un aumento, causando un influencia di 0.41 ppt riba e CPI.

Bestaansminimum

Den e ultimo diesdos (12) lunanan e bestaansminimum pa un hogar consistiendo di dos (2) adulto y dos (2) mucha (edad 0-15 años) a registra un aumento di Afl. 18, di Afl. 5,492 na Mei 2024 pa Afl. 5,510 na Mei 2025. E aumento aki a wordo causa principalmente door di aumentonan den e sector di “Cuminda y bebida no-alcoholico” (Afl. 11) y “Paña y sapato” (Afl. 8).

Cambio di prijs di petroleo, utilidad, gasolin y diesel


E prijs promedio pa bari di petroleo a conoce un reduccion di US\$ 18.23 (-22.7%) di US\$ 80.31 na Mei 2024 pa US\$ 62.08 na Mei 2025. E indice di Energia a baha cu 7.0% den e ultimo año y a causa un efecto di -1.20 ppt. E indicenan di “Gasolin” (-16.5%) y “Diesel” (-17.6%) a registra reduccionnan, causando un efecto di respectivamente,

-0.84 y -0.06 ppt riba e CPI. E indice di “Electricidad” a registra un reduccion di 4.0%, causando un efecto di -0.30 ppt, mientras cu e indice di “Awa” no a registra cambio. E restante 404 bienes y servicio hunto, a conoce un aumento di 1.6% y tabatin hunto un efecto di 1.35 ppt.

Cambio di prijs di Cuminda y servicio di catering

Den e ultimo diesdos (12) lunanan e indice di “Cuminda & servicio di catering” a subi cu 1.0%. E indice di “Cuminda na cas” a conoce un aumento di 0.5%, unda shete (7) di e diesun (11) indicenan di e gruponan di “Cuminda na cas” a subi durante e periodo aki.

E indice di “Batata, yuca y batata dushi” a conoce un aumento di 12.5%, e aumento mas grandi entre e gruponan di “Cuminda na cas”. Ademas, otro aumentonan significante a wordo registra den e indicenan di “Bebida no-alcoholico” (4.1%), “Azeta y otro productonan traha di vet” (3.7%), “Carni” (2.2%) y “Pisca y otro cuminda di lama” (1.5%). E reduccion mas grandi durante e periodo aki a wordo registra den e indice di “Berdura” (-7.9%). E indice di “Cuminda pafo di cas” a registra un aumento di 2.3% den e ultimo diesdos (12) lunanan. Den e ultimo diesdos (12) lunanan, “Cuminda na cas” y “Cuminda pafo di cas” como grupo, tabatin un aumento di prijs di 1.0% y hunto tabatin un influencia di 0.17 ppt riba e CPI, mientras cu e restante bienes y servicio hunto a experencia un reduccion leve di prijs di 0.03% y tabatin un efecto di -0.02 ppt riba e CPI.



Prome agenda y rapport di implementacion di landspakket pa 2025:

Implementacion di reforma financiero afecta pa atraso, bottleneck, escasez y inaccion

Recientemente a keda publica e agenda y rapport di ehecucion (Uitvoeringsrapportage) pa e periodo di april te september 2025, tocante e implementacion di reforma cu Aruba a acorda cu Hulanda den cuadro di e landspakket. Esaki ta bira e prome pa aña 2025. Den esaki, e reforma di maneho financiero di Aruba ta para tanto como un simbolo di ambicion como un reflejo di e limitenan institucional.

Aruba y Hulanda ta trahando hunto riba implementacion di e landspakket basa riba e acuerdo mutuo di cooperacion riba reforma. E pagina titular di e agenda y rapport di implementacion ta e Prikichi, designa como parha nacional di Aruba na 2017. E Prikichi ta un especie protegi y un simbolo di resiliencia Arubano. Door di colabora a base di igualdad dentro di Reino pa ehecuta e reformanan delinea den landspakket, ta reforsa e resiliencia aki, e rapport ta nota.

E agenda y rapport di implementacion ta presenta e marco pa e reformanan aki y ta midí progreso. Esaki ta simbolisa pa e potlood: e Prikichi ta cla pa pinta y sigui e lineanan. E diseño di e rapport ta inspira pa e colornan di e bandera Arubano.

Den e rapport, e vision keda cla: un gobierno cu ta den control completo di su finanzas publico, cu presupuesto transparente y eficiente, y mecanismonan di responsabilisacion. Pero toch e caminda pa logra e vision aki ta keda un difícil – marca pa retraso legislativo, atraso den contratacion publico, y bottlenecks causa pa falta di capacidad.

E agenda y rapport di implementacion ta duna un bista integral di e progreso haci te awo, y e retonan critico cu ta persisti.

Un vision pa control y coherencia

E meta mas amplio di Aruba den maneho financiero ta pa sigura cu su ciclo presupuestario ta efectivo y orienta riba resultado, permitiendo gobierno pa ta “den control” di su finanzas. E reforma aki ta alinea cu misionnan nacional pa un sector publico eficiente y agil, y ta sostene varios di e Metanan di Desaroyo Sostenible (SDGs), notablemente 8 (Trabao Decente y Desaroyo Economico), 11 (Ciudad y Comunidadnan Sostenible), 13 (Accion di Clima) y 16 (Paz, Husticia y Institucionnan Fuerte.)

E rapport ta menciona ministerio di Finanzas y Cultura, cu tabata esun cu anteriormente tabata carga e tema aki, como responsable pa e reformanan aki. Ta menciona cu e ministerio aki, cu tabata cay bao ex-minister Xio-



mara Maduro (MEP), a logra varios stap fundacional. Esaki ta inclui un marco nobo di reportahe, modernisacion di procesonan presupuestario cu un voorjaarsnota (presupuesto di spring) y e introduccion di un blueprint pa e modelo di supervision financiero, conoci como modelo di tres linea.

Awo, ministerio di Finanzas ta cay bao minister Geoffrey Wever (Futuro), kende lo keda encarga cu implementacion di e reformanan acorda pa maneho financiero di Aruba.

Fundeshi legislativo y regulatorio: progreso mixto

Un di e factornan critico pa exito den e reforma ta e arkitectura regulatorio di Aruba cu ta goberna procedura y reportahe financiero. E sistema di reportahe y legislacion di contratacion publico ambos a drenta e fase legislativo. Mas notablemente, e amienda na e ordenansa di contratacion a keda aproba unanimamente den Parlamento na februari, un logro significativo.

Sinembargo, otro trayectorionan legislativo, incluyendo e revision di e ley di comptabilidad presupuestario (Comptabiliteitsverordening) y regulacionnan di maneho di activo material, ta enfrente retraso debi na capacidad legislativo limita y un atraso di asunto pendiente. Ta spera cu esakinan lo conclui den e ultimo kwartaal di 2025 of e prome di 2026. E introduccion di un sistema comprensivo di reportahe ta programa pa e ciclo presupuestario 2026, pero ainda ta wardando su aprobacion final.

Modelo di tres linea: construyendo estructura

Un reforma sistematico mayor ta e adopcion di e ‘modelo di tres linea’ – un estructura reconoci internacionalmente pa dividi responsabilidat entre operacion (prome linea), supervision (di dos linea) y siguransa independiente (di tres linea).

Trabao ta andando pa operacionalisa e modelo aki den sector publico. Ta haciendo esfuersonan dedica pa nombra y train doñonan di control y proceso den prome linea, crea consciencia y construi responsabilisacion. Sinembargo, casi cada sub-proyecto bao di e componente aki a keda retrasa pa motibo di proceduranan di contratación mas largo di loke a spera pa consultantnan externo. Asina mes, gobierno tin meta pa implementacion completo pa fin di 2025.

Reto di capacidad y gap institucional

Recurso humano ta keda un bottleneck serio. Por ehemplo, Servicio Central di Accounting (CAD) tin dificultad pa atrae personal cualifica. Maske e agencia a ricibi 32 aplicacion a traves di varios ronda di reclutamento, apenas a logra haci tres contratacion. Mehoracionnan leve den condicion di salario por mehora resultadonan den futuro, pero capacidad ta keda leu di ta adecuado pa cumpli cu control di responsabilidad den un sistema cada bes mas complejo.

Similarmente, e institucionalisacion mas amplio di control interno (AO/IC) dentro di ministerio di Finanzas a keda atras. Mientras diseño di proyecto ta na lugar, retraso den contrato di sosten externo a pusha mayoria di e timeline pa fin di aña.

Proceso y optimisacion di sistema: bao construccion

Reconstrui e procesonan financiero di Aruba ta un mega-proyecto andando. E meta ta pa simplifica sistemanan di fluho di cash (specialmente pa contratacion y subsidio), sigura operacionnan standarisa, y hancra esakinan dentro di infraestructura digital. Esaki ta inclui: Lansa un modulo di training digital (E-LOFA); Cuminsa proceso di destaho pa un aplicacion di sosten di presupuesto; Evalua opcion pa reemplaza e sistema financiero central (GFS/E1);

Introduci den fase IT nobo y organisacion di maneho di informacion (IM).

Sinembargo, ehecucion a keda stroba pa e lunanan cu gobierno a keda demisionario prome cu e gobierno nobo a tuma over, pa motibo cu no por a haci cierto decision strategico, manera otorga contract. Mientras algun meta ta on track (manera e modulo E-LOFA), otronan, incluyendo e despliegue completo di e aplicacion di presupuesto, probablemente ta bay extende te mita di 2026.

Reforma di ciclo presupuestario y alineamento di politica

Dos reforma conecta na otro tin meta pa mehora con presupuesto ta refleha prioridadnan di politica y con ta implementa y monitoria esakinan. E prome ta involucra rediseña e ciclo di planeamento y control, y e di dos ta introduci lasonan mas fuerte entre ehecucion di presupuesto y resultado di politica.

Ambos proyecto ta den fasenan inicial, cu mdoelonan di diseño entrega, y ta spera implementacion lo sigui pa fin di 2025 of comienzo di 2026. Esfuersonan pa elimina atraso den reporte financiero anual (te cu 2023) ta na caminda pa keda finalisa den di tres kwartaal di 2025.

Reforma di subsidio cu cuerponan di conseho ainda pendi-ente

E desaroyo di un regimen nobo di subsidio – incluyendo evaluacion di subsidionan actual, preparacion di legislacion y implementacion completo – ta keda en gran parti teoretico na e momento aki. Maske ta reconoce e necesidad y a cuminsa cu preparacion, toma di decision politico ainda no a duna ningun progreso actual.

Mescos ta aplica pa reforsa e funcionamiento di e cuerponan permanente di conseho na Aruba. Mientras cu e rapport ta nota cu reformanan existente den control financiero y cumplimiento indirectamente ta bay sostene e institucionnan aki, no a inicia ningun accion directo.

Na final, por nota cu e reforma di maneho financiero na Aruba ta desaroyando na un punto critico: e recuperacion economico di e isla ta exigi disciplina fiscal y transparencia, y toch limitenan institucional ta menasa di mina e momentum.

Loke ta bin dilanti den e agenda y rapport di implementacion aki ta un storia di un vision cla, progreso modera, y inercia sistematico. E proximo lunanan, y specialmente e habilidad di gobierno nobo pa tuma decision na tempo, ta bay ta clave pa determina por realisa e ambicionnan aki na nan totalidad.

Aeropuerto ta aclaria: “Ningun vuelo a experiencia un retraso”

Durante weekend, Aruba Airport Authority NV a duna un aclaracion relaciona cu varios ‘post’ riba rednan social referente un fila di hende na aeropuerto riba diasabra 28 di juni 2025.

Den un comunicado di prensa, Aruba Airport Authority N.V. a informa cu e sistema di maneho di maleta pa vuelo pa Merca a experiencia un congestion temporal debi cu algun maleta no a wordo procesa corectamente durante e proceso di check-in. Esaki

a causa un pausa temporario den e proceso di check-in, cu eventualmente a resulta den un fila di pasahero pafo di terminal.

E situacion a wordo resolti rapidamente y ningun vuelo a experiencia un retraso pa motibo di esaki, segun e AAA.

“Mientras nos ta sigui optimalisa e sistema nobo di maneho di maleta y e operacion den e terminal nobo di check-in, e personal ta sigui haci cierto ahustenan pa mehora e operacion”, e comunicado ta continua. “Nos ta

evaluando e incidente aki pa implementa medidanan preventivo pa evita cu esaki sucede atrobe.”

Finalmente, AAA a bisa di ta contento pa bisa cu danki na e terminal nobo pa e vuelonan Mericano, e sistemanan nobo y e control di fluho di pasahero recientemente introduci, e operacion a mehora bastante - cu un proceso mas eficiente y sin necesidad di recoge maleta of control di seguridad secundario.

“Danki na tur pasahero pa nan pasenshi y comprension.”



Gobierno a aproba fondo necesario pa renobacion di Arubahuis

Den un paso historico pa restaura dignidad di representacion oficial di Aruba na Hulanda, Gabinete AVP/FUTURO a aproba un decreto ministerial pa inicia cu e renobacion oficial di Arubahuis – e sede oficial di Gabinete di Minister Plenipotenciario di Aruba na Den Haag.

E anuncio importante a wordo haci pa minister Gerlien Croes durante su prome bishita oficial na Hulanda. Den presencia di e personal actual di Gabinete di Aruba y su directora Joselin Croes, minister Croes a anuncia oficialmente e bon noticia cu gran orguyo y emocion. Reforsando e compromiso di e gobierno pa restaura dignidad



y funcionalidad na un edificio cu ta simbolico pa pais Aruba, segun un comunicado di gobierno.

Arubahuis, como un edificio historico y patrimonio nacional, a keda bandona pa casi tres aña, despues cu su

condicion a deteriora te na punto cu empleadonan no tabata sigur mas trahando den e edificio. E situacion a forsa e personal pa bandona e edificio y opera for di un oficina provisional cu no ta actualmente apto pa e nivel di representacion diplomatico cu

Aruba merece.

“Esaki no ta solamente un renobacion fisico, pero un restauracion di respet pa nos pais y e hende cu ta representa Aruba cu orguyo. Un oportunidad nobo pa duna contenido nobo y debido na traha riba nos relacion y cooperacionnan den reino”, minister Gerlien Croes a bisa.

Minister Gerlien Croes a confirma cu e renobacion mester keda cla den 2026, y cu e fondo destina ta un realidad, danki na colaboracion di varios departamentonan gubernamental na Aruba. minister Geoffrey Wever y prome minister Mike Eman tambe a firma e decreto correspondiente, y minister Croes tabata tin e honor di haci e anuncio

publicamente y duna e noticia directamente na e empleadonan.

E emocion y alivio tabata visibel den cada persona presente. Directora Joselin Croes a expresa su gratitud profundo na tur cu a traha pa yega na e dia aki:

“Esaki ta un momento di union y logronan comparti. Nos ta gradici Gobierno di Aruba pa kere den e importancia di nos representacion na Hulanda”.

Cu e renobacion di Arubahuis, Aruba ta reafirma su presencia den Reino Hulandes – cu dignidad, vision y compromiso pa un miho futuro pa nos tur.

Problema cu friamento a causa incomodidad na Hospital

Diasabra ultimo, mediante un comunicado di prensa, Hospital Dr. Horacio Oduber a informa cu tabata enfrentando un problema tecnico cu e sistema di friamento, cu a laga pashent, bishitante y empleadonan den calor.

“Lamentablemente awe 28 di juni Horacio Oduber Hospital (HOH) ta enfrentando dificultadnan tecnico cu e sistema di koeling,” HOH a bisa den e comunicado. “Esaki tin un impacto riba e piso ful abao, e prome piso y tambe piso dos di e Toren B.”

E hospital a informa cu tin un team tecnico ta trahando duro hunto cu e team tecnico di SOGA “pa soluciona e situacion fastioso aki lo mas pronto cu ta posibel.”

“Nos ta compronde e incomodidad cu esaki por causa



nos pashentnan, bishitantenan y empleadonan na e momentonan aki. HOH ta

haciendo su maximo esfuerzo pa soluciona e problema di e sistema di koeling lo mas

pronto cu ta posibel den e arcanan cu ta wordo afecta.” E hospital a termina dunan-

do danki na henter e team di HOH y SOGA, “cu ta trahando duro pa soluciona e problema aki y danki na nos pashentnan, bishitante y coleganan pa nan comprension.”

Mientras cu HOH a informa di e problema aki diasabra, usuarionan di rednan social tabata comenta indicando cu nan a ripara problema di calor den HOH di algun tempo atras caba. “Ta te awor boso ta anuncia e problema aki?” un usuario a cuestiona. “Ta for di siman pasa diamars cu mi tabata eynan tabata calor, ta manera un sauna.” Otro usuario a comenta cu el a nota e problema di calor “ora mi tabata luna pasa kiden.”

Sinembargo, tur usuario a expresa nan bon deseo pa dialuna e pashentnan principalmente por haya alivio y e situacion keda resolti pronto.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BONDIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Morto di Mitch Henriquez: 10 aña despues, ainda ta sinti impacto di e caso

Weekend ultimo, dia 27 di juni, a cumpli 10 aña desde e altercado cu polis na Hulanda, cu a resulta den morto di Arubiano, Mitch Henriquez. Dies aña despues, e efectonan di e caso aki ainda ta conmociona comunidad local.

Despues di un caso largo, na 2021, Corte Supremo a sostene sentencia suspendi di seis luna den prison pa un agente di polis acusa di abusa Mitch Henriquez, resultando den su morto na 2015. E polis a keda condena definitivamente pa morto di e Arubiano despues cu a usa un 'chokehold' riba dje durante su aresto na un festival di musica na Den Haag.

Henriquez a bishita un festival di musica na Den Haag na juni 2015. Mientras e tabata burachi, el a grita na un grupo di polis cu e tabatin un arma, puntando na su parti intimo. Henriquez a ignora advertencia pa hala atras, y a keda aresta pa desorden publico. Un total di cinco polis a deten'e. A usa e chokehold riba Henriquez, kende a bira malo y despues a fayece den hospital, segun e version oficial, maske testigonan na e sitio ta insisti cu el a fayece na e sitio mes.

Ministerio Publico di Hulanda (OM) a determina cu dos agente a usa forza desproporcional riba Henriquez. Un di nan anteriormente a ser declara inocente den corte, y OM no a apela den su caso. E polis cu a keda condena definitivamente tabata esun cu a usa un chokehold riba Henriquez. E corte a determina cu uso di chokehold riba Henriquez tabata ilegal, mirando e riesgo di esaki, bisando cu loke a sucede "no tabata corecto" of tabata "incomprendible." E hecho cu e oficial no tabatin intencion di mata Henriquez no ta cambia esey, Corte Supremo a declara.

A pesar di tur e conmocion, na momento cu Corte Supremo a sostene e sentencia, primo di Henriquez a keda sorprendi, pero contento cu veredicto di Corte Supremo, a bisa den su prome reaccion na Omroep West. "En realidad mi a pensa cu lo declar'e inocente", el a bisa. "Esaki ta un final bunita."

Papiando mediante un vocero, pareha di Henriquez, Ella de Groot a bisa e notici-



ero cu resto di e famia tambe ta contento cu e veredicto. "Mi ta contento cu no a decepciona nos atrobe. Nos a keda decepciona tanto biaha den e proceso aki."

E famia no ta compronde pakico no a enhuicia e agentenan pa faya di busca ayudo pa Henriquez na momento cu el a bira malo, of pakico ta permiti pa nan sigui traha cu polis. Pero nan ta spera cu nan por cuminsa procesa e morto di Mitch berdaderamente awo cu e condena ta oficial. "Unico cos ta cu nos nunca ta bay haya Mitch back."

Impacto di e caso

E caso di Henriquez tabatin impacto enorme tanto na Aruba como na Hulanda.

Algo cu a hala atencion tabata e cantidad di placa cu Hulanda a gasta pa defende polis, mas di 1.3 miyon euro na abogadonan, segun RTL Nieuws a reporta basa riba cifranan ricibi di polis di Den Haag despues di un apelacion pa libertad di informacion. Esaki ta involucra solamente pago na abogadonan te cu mei 2018.

Bufete di abogado Sjocrona-Van Stigt cobra 1,309,380.96 euro di polis entre juni 2015 y mei 2019, segun RTL Nieuws. Esaki a involucra asistencia legal na al menos 26 agente di polis – e cinco nombra sospechoso, y 21 polis testigo. Sjocrona-Van Stigt a bisa RTL Nieuws cu e factura enorme ta splica pa e tamaño di e caso di Henriquez y e cantidad grandi di

agente di polis involucra.

Pero bogado y cientificonan a critica e suma cu polis a gasta pa asistencia legal den e caso aki, yamando esaki 'extremadamente caro', un 'desgracia' y 'husticia clasista' den respuesta na RTL Nieuws.

"E tarifanan extremo aki ta desproporcional na e tarifa cu e estado ta paga abogadonan cu ta asisti hende pover", Mies Westerveld, emeritus profesor di Access to Justice, a bisa e noticiario. "E balans ta realmente perdi entre un abogado pa un agente di polis – kende ta sospecha di un crimen oficial – y e abogado di un civil kende ta sospecha por chemplo di asesinato. Esey ta hopi malo pa estado di derecho."

Richard Korver, kende a provee asistencia legal na mama di Henriquez, a ricibi alrededor di 50mil euro for di Consejo pa Asistencia Legal pa mita di 2018. Abogado Gerald Roethof, kende a asisti pareha di Henriquez, a ricibi 6,600 euro pa su esfuerso. "1.3 miyon ta un cantidad desgraciado di placa. Y gobierno a financia esaki. Otro sospechosonan no ta haya asina un presupuesto infinito pa contrata abogado y expertonan. Gobierno a crea un sorto di prome clase social pa su propio hendenan asina ora ta trata di ayudo legal. Mi ta kere cu esaki ta un desigualdad legal gigante", Korver a bisa e noticiario.

Cinco aña despues di morto di Henriquez, mientras e proceso legal contra e agen-

tenan involucra ainda tabata andando, e memoria di Henriquez tabata presente den acusacionnan di violencia di polis.

Durante e protestanan di Black Lives Matter na Hulanda na 2020, por a mira algun borchu cu nomber di Mitch Henriquez, treciendo atencion na su caso un biaha mas. Esaki pasobra ta mira e caso di Mitch como un caso di profilacion racial.

Jair Schalkwijk di e grupo Control Alt Delete ta mira similaridadnan entre e caso di Mitch Henriquez y esun di George Floyd na Merca, segun el a bisa e tempo aya. "Tur dos tabata homber color scur, sin arma y riba ningun manera tabata menasante pa polis y publico." Lila ta comparti e mesun opinion. "Ta dificil pa prueba, pero mi ta kere cu Mitch su color y accent a pone e polisnan actua mas agresivo. Mi ta kere cu si tabata un Hulandes blanco e cos no lo a caba asina," el a bisa prensa di Aruba e tempo aya.

Dies aña despues, casonan di brutalidad policial ta keda sacudi Aruba, cu e memoria di e caso di Henriquez ainda fresco. Esaki ta notable particularmente den e caso di e hoben Ayden Lanoy, di apenas 19 aña di edad, kende a muri despues di un persecucion policial.

E caso aki a pone luz un biaha mas riba e responsabilidad di agentenan di polis pa protege y preserva bida di tur ciudadano, generando protesta pa exige husticia y exige pa polis evita violencia contra e propio ciudadanonan cu nan mester protege.

E caso di Lanoy a trece cune exigencia pa agentenan usa bodycam. Pa esaki, siman pasa Cuerpo Policial a anuncia cu e proyecto piloto di bodycam a cuminsa.

Recientemente, minister di Husticia, Arthur Dowers a anuncia cu e investigacion forensico den e caso Lanoy a keda completa, y cu e investigacion di Landsrecherche awo lo continua.

Mientras tanto, e legado di e caso Henriquez ta visible den e reaccion den comunidad, cu ta exige mas husticia, transparencia y responsabilidad di autoridadnan.

1 ganado di 1.000 florin tur dia garantisa! Cachi Cachi Back to School Edition 2025

Cachi Cachi ta bek pero e biaha aki Back to School Edition! Cumprando e weganan di: Catochi, Big 4, Zodiac, Lucky 3, Wega di Number Korsou, 1-OFF y Multi-X awo den temporada di Back to School bo ta participa automaticamente den e promocion di Cachi Cachi. Cu e promocion di Cachi Cachi, tur dia lo bay saca 1 feliz ganador garantisa di Afl. 1.000,-!

Cu cada compra di 1 florin di e weganan participante, pa sorteo di merdia of anochi, bo ta ricibi 1 set di 6 number gratis! Cu cada set di number cu bo ricibi, bo ta den wega pa

gana e Cachi Cachi di 1.000,- florin; esaki ta un premio adicional fuera di e chens di gana bo premionan cu Catochi, Big 4, Zodiac, 1-OFF, Lucky 3, Wega di Number Korsou y Multi-X. Mas bo cumpra mas set di number di Cachi Cachi bo ta ricibi y mas chens bo tin pa gana e premio di Cachi Cachi! E set di numbertan di Cachi Cachi ariba e ticket di e dia ey ta participa den e sorteo di e mesun dia.

Cumpra bo weganan preferi sea Catochi, Big 4, Zodiac, 1-OFF, Lucky 3, Wega di Number Korsou y Multi-X pa sea merdia of anochi, desde diamars awo 1 di juli,

pasobra e campaña di Cachi Cachi ta valido pa luna di juli. E ultimo dia di Cachi Cachi ta dia 31 di juli 2025.

E number ganado lo wordo anuncia durante e sorteo di Lotto cu ta cuminsa 7:45 PM di anochi y diadomingo pa 2:00 PM, via TeleAruba, Canal 13, live streaming ariba nos pagina di Facebook y YouTube. E numbertan ganado lo wordo saca por medio di un Sorteo Anima.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di



Dia, Lotto 5, Mini Mega cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa or-

ganisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Aruba Tourism Authority (A.T.A.) ta reforsa strategia di comunicacion pa 2026 pa region di Nort America

E ekipo di Aruba Tourism Authority (A.T.A.) tabatin nan reunionnan strategico na New York hunto cu e agencianan di mercadeo cu ta apoya A.T.A. pa delinea y ehecuta strategia pa promove Aruba den e region di Norte America.

Segun un comunicado di prensa, durante e reunionnan a repasa diferente estudio pa duna contenido pa plannan pa 2026; a elabora riba diferente tema incluyendo rendimiento di turismo y desaroyonan actual di e mercadonan; a comparti estudio di posicionamento pa Aruba como marca den e mercado di Merca y e aspectonan geopolitico y economico di e region a wordo analisa y discuti.

Agencianan a comparti un



analisis di competencia riba diferente disciplina di mercadeo, y a duna mas informacion riba tendencianan global di turismo. E data aki ta importante na momento di tuma decisionnan pa 2026. Hunto, a evalua e esfuerzonan actual y a identifica oportunidadnan pa innova y mehora e strategia di mercadeo

y comunicacion. E topico di turismo responsabel a bin dilanti como parti integral di e diferente combersacionnan como un tema primordial pa e strategia di comunicacion pa Aruba.

Den pasado e enfoke tawata riba con nos ta promove Aruba den exterior solamente y e diferencia ta cu awo nos a agrega e comunicacion cu e huesped asina cu e yega nos isla. E cambio aki ta duna nos e oportunidad pa educa y conscientisa nan riba e aspecto di proteccion y preservacion. Diferente charla duna door di e ekipo di A.T.A. a wordo comparti pa asina tin alineacion entre agencianan riba esfuerzonan. Ta importante pa crea sinergianan conectando e comunidad local cu e huespednan ariba varios iniciativanan local.

Un di e presentacionnan importante cu a tuma lugar a enfoca riba e aspecto "niche" cu ta wordo considera un motibo specifico cu un persona ta scoge un destinacion. E "niche" culinario y di bienestar a resalta den dialogo



y tambe ta importante pa menciona e aspecto di cultura cu sigur ta un motibo importante cu huespednan di awendia ta considera ora di scoge un destinacion.

E sesion final a enfoca riba futuro di tecnologia, particularmente Inteligencia Artificial (AI), y su rol importante den mercadeo y e "customer journey". Ta esencial pa

monitor tendencianan mundial pa asina Aruba por keda competitivo.

Segun e comunicado, e tipo di reunionnan aki ta clave pa formula e plan di mercadeo pa e aña venidero y asina establece strategianan y tacticanan cu ta alinea cu metanan pa Aruba su turismo.



Orario pa atende publico dialuna 30 di juni 2025

Departamento di Labor y Investigacion ta informa tur cliente cu riba **dialuna 30 di juni 2025** nos lo ta cera pa publico desde 3:00'or di atardi en conexion cu reunion di personal.


Departamento di Conflicto lo atende publico te cu **2:00'or di atardi** riba e dia aki.

Nos ta pidi disculpa si esaki por trece cualquier inconveniencia.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Hulanda: A entrega acusacion di abuso di adultonan cu discapacidad contra personal di cas di cuido

(NLTimes)—Residentenan di De Akker, un centro di cuido na Bodegraven, por a ser sometí na abuso pa par miembro di personal, segun un denuncia criminal cu a ser presenta na Ministerio Público (OM) na Den Haag pa e organisacion di cuido Sirjon. E centro ta duna hospedahe na adultonan cu capacidad mental comparable cu muchanan entre cero y tres aña.

Sirjon a revela mas prome cu seis empleado a ser suspendi y despues despedi, despues cu nan a acosa un residente y a comparti e grabacionnan den un grupo priva riba Snapchat, segun Omroep West. Segun e organisacion, e videonan ta



monstra e residente den situacionnan humillante causa pa nan cuido. Den un declaracion skirbi, Sirjon a confirma e acusacion: “Den interes di un posible investigacion

criminal, nos no por duna detaye riba e tipo of magnitud di e denuncia,” un vocero a bisa.

Sirjon a indica cu nan a habri un punto special pa ricibi

keho dia 22 di mei pa haya informacion riba e situacion na De Akker. “Nos a ricibi algun reaccion cu nos kier investiga mas profundo,” e vocero a bisa. Den e ultimo simannan,

e organisacion tambe a ricibi “señalan preocupante” tocante condicionnan dentro di e centro. Aunke e vocero no kier duna detaye riba kico e señalan ta implica, e organisacion a bisa cu ta haciendo investigacion interno pa determina si tin necesidad pa tuma medida adicional pa protegi clientenan y empleadonan.

Presidente di e hunta, Jan van Ginkel, a referi na e decision pa presenta e denuncia di abuso sospechoso como un paso dificil. “Ta doloroso pa tin cu presenta un keho asina. Doloroso pa nos clientenan, pa mayornan y famianan, y doloroso pa tur colega,” Van Ginkel a bisa.

Hulanda ta lansa un plan nacional pa calor mientras temperatura ta subi riba 30 grado

(NLTimes)—E Nationaal Hitteplan lo tuma efecto pa tur Hulanda cuminando awe 10or di mainta, segun e Instituto Nacional pa Salud Público y Ambiente (RIVM) a anuncia diadomingo. Ta anticipa temperatura di yega su maximo diamars y diaranson, superando 30 grado, segun Het Parool. E plan aki ya ta na vigor pa e provincianan di Limburg y Noord-Brabant, despues di e decision di RIVM diabierna pasa.

E plan pa calor ta sirbi como un sistema di advertencia pa pone cuidado y profesionalnan di Salud na altura di temperatura halto. Segun RIVM: “Esaki ta yuda aumenta consciencia y stimula cuidadonan presta atencion adicional na esnan nan ta cuida p’e. Nan por tuma esaki na cuenta ora cu nan duna sosten y interactua cu gruponan vulnerable, manera adultonan mayor y muchanan chikito.”

E ultimo biaha cu e Nationaal

Hitteplan a ser activa tabata di 10 te 16 di augustus 2022, segun un vocero di RIVM. Un di e criterionan principal pa activa e plan ta si e calor ta dura cuatro dia of mas, cu temperatura halto durante oranan di anochi tambe.

RIVM a enfatisa cu ausencia di e plan den e ultimo añanan no ta nifica cu no tabatin periodonan calor. E plan ta aplica solamente ora cu e calor ta persisti pa varios dia y e si anochinan tambe ta keda calor.

Segun RIVM, e grupo mas vulnerabel ta hende di 75 aña of mas. Nan tin mas dificultad pa regula e temperatura di nan curpa y frecuentemente nan no ta sinti sed. Otro gruponan na riesgo ta hende cu tin malesa cronico, hende cu ta biba den isolacion social, hende sin cas, y muchanan chikito. E gruponan aki tin mas riesgo pa desaroya problema di salud grave, manera deshidratacion y stroke, si no tuma medidanan preventivo. RIVM ta pidi atencion adi-


cional pa tur hende cu ta cuida otro persona vulnerable durante e ola di calor. Accionnan simple manera pone un glas of canica di awa cerca y yuda mantene e cas fresco door di cera cortinanan por yuda preveni riesgo.

Na Amsterdam, medida adicional lo tuma lugar awe y

diamars pa proteha hende sin cas of cu no tin vivienda stabiel di e temperatura halto, segun gobierno local. Lugarnan pa pasa dia ta habri mas largo, ofreciendo sombra, awa y sun block.

Eseyan lo habri di 12 di merdia te 6 di atardi minimo tur dia. E regulacion nobo

yama Zomer-Hitte-Regeling ta tumando efecto pa prome biaha. Si necesario, e medidanan por ser extendi pa algun dia mas. Trahadornan social tambe lo duna informacion na hende sin cas riba e riesgonan pa salud cu ta bin cu malesa cronico y uso di substancia combina cu calor extremo.



Polis acusa di bende informacion tocante meta di investigacion por sinta 3,5 aña den prison

(NLTimes) – Ministerio Publico (Openbaar Ministerie, OM) a pidi castigo di prison cu ta varia di cinco aña pa ocho aña contra tres homber di Amsterdam di edad 22, 27 y 36. E homber di 36 aña, un oficial policial na momento di su aresto, ta enfrente acusacionnan incluyendo invasion di computer, violacion di secreto oficial, y corrupcion. E otro dos sospechoso ta ser acusa di soborno, labamento di placa, y traficacion di droga.

E investigacion a cuminsa dia 24 di februari 2023, ora cu polis a para un auto na Utrecht siguiendo un tip. E agentenan a haya tres homber paden, hunto cu arma di candela y telefonnan celular. Un telefon tabata contene informacion di polis — incluyendo plachi di number, adres y datonan personal — cu supuestamente a ser bendi pa placa. Investigadornan a rastrea nueve number di servicio di polis cu a haya acceso na e datonan aki. Door di analisa e archivonan di registro y e listanan di trabao, autoridannan a cera e sospechoso di 36 aña di edad.

Bao di direccion di Rijksre-



cherche, a lansa e investigacion riba sospechoso di soborno. E vigilancia a inclui ponemento di aparatonan di grabacion den e autonan di e agente policial y su ruman homber, e sospechoso di 27 aña. E grabacionnan a captura combersacionnan cu ta confirma e benta di informacion di polis.

Den un intercambio, e homber di 27 aña a bisa un homber desconoci cu e conoce un hende den polis cu por a revela con “cayente” hende tabata — un termino cu ta indica si un hende ta-

bata bao di investigacion di polis. Despues el a suministra informacion cu un persona tabata ser vigila.

Grabacionnan tambe a revela cu e rumannan tabata papia tocante informacion pidi y su status. Investigadornan a haya cu nan a consulta 23 plachi di number y 19 persona, ganando decenas di miles di euro for di e actividad ilegal. E hoben di 27 aña tambe tabata parce di ta involvi activamente den traficacion di droga.

Dia 18 di juni 2024, tur tres

sospechoso a keda deteni. Polis a haya sumanan grandi di placa cashy articulonan di luho na e residencia di e ruman homber mas jong. Na cas di e hoben di 22 aña, un contacto di e ruman homber mas jong, polis a descubri riba 65 kilo di hard drugs na balor di alrededor di 1,5 milyon euro, hunto cu cantidadnan significante di placa cash.

Durante interrogacion, e homber di 36 aña a admiti di a filtra informacion pero a afirma cu el a ser forsa pa elementonan criminal. OM a rechasa e defensa aki, tu-

mando nota cu evidencia a muestra cu el a duna informacion no solicita, a encurasha su ruman homber pa exige pagonan mas halto, y a urgi su ruman homber rípitidamente pa informa peticion di informacion durante un solo dia cu e tabata na trabao — comportacion inconsistente cu coercion.

“E sospechoso di 36 aña, como oficial policial, a abusa di su posicion y a groseramente viola e confiansa deposita den dje,” e fiscal a bisa den corte. “El a participa den soborno, traicionando e confiansa di e publico.” Pa loke ta trata e hoben di 27 aña, e fiscal a declara, “El a hunga un rol hopi activo como un broker di informacion den filtracion di datonan di polis, un funcion di gran importancia pa criminalidad organisa serio.”

OM ta pidi un castigo di prison di 42 luna y un prohibicion profesional di ocho aña pa e homber di 36 aña. Pa e ruman homber di 27 aña, fiscal ta exige ocho aña di prison. E sospechoso di 22 aña a bay di acuerdo cu un acuerdo di declaracion di acuerdo mas trempan, consentiendo pa un castigo di cinco aña di prison.

Uso di app pa ‘cumpra awor, paga despues’ ta aumenta na Hulanda, generando preocupacion pa debe



(NLTimes) – E cantidad di hende na Hulanda cu ta usa apps di pago “cumpra awor, paga despues” a aumenta rapidamente, loke ta lanta preocupacion tocante debe y falta di proteccion di consumidor. Investigacion nobo encarga pa ING ta muestra cu mas o menos un di cada tres consumidor Hulandes a usa e

forma di pago posponi aki.

ING a encuesta mas cu 1.500 adulto den e pais. Hopi di e encuestadonan a bisa cu nan ta aprecia di por pospone pago te despues di a ricibi un compra online. Sinembargo, Japke Kaastra, hefe di salud financiero na ING Nederland, a adverti cu e comodidad aki ta carga riesgonan. “E por bay

robes si hende cuminsa us’e pa compra cosnan cu en realidad nan no tin e placa p’e,” Kaastra a bisa.

E estudio a haya cu 10 por ciento di usuarionan ta depende di compra awor, paga despues servicio pasobra nan no tin suficiente fondo na momento di compra. Mas o menos un tercera parti a

admiti cu nan a experiencia problemanan di pago. Den 11 por ciento di casonan, consumidornan a cobra gastonan adicional pa pago laat. Tres por ciento finalmente no por a paga e montante cu nan tabata debe. Segun ING, mas cu tres cuarto di esnan cu a confronta problema cu compra awor, paga despues tambe ta fia placa otro caminda.

E modelo di pago aki a hala critica creciente, particularmente pasobra hopi hoben ta us’e. Un problema adicional ta cu e Autoridad Hulandes pa Mercadonan Financiero, esta AFM, actualmente no tin poder pa supervisa proveedornan manera Klarna.

“E legislacion cu lo proteha consumidor mihor lo dreña na vigor solamente aki un aña y mey. Claramente tin mes- ter di mas proteccion di consumidor awor,” Kaastra a bisa. “cumpra awor, paga despues tin biaha ta sinti mucho facil.

E por conduci na consumo di mas, perdida di supervision y, finalmente, debe.”

For di cuminsamento di e aña aki, e opcion pa pospone pago tambe a bira disponibel den algun tienda fisico. E gabinete a yama e desaroyo aki indeseabel, pero Klarna, e lider di mercado, a bisa na februari cu e lo no stop di ofrece compra awor, paga despues na puntonan di benta fisico.

Klarna a declara cu e ta tumando pasonan pa loke e ta yama “credito responsabel.” Diabierna, e compania a anuncia un funcion nobo den su app cu ta permiti usuarionan desactiva e opcion di pago diferi. “Di e manera aki, consumidornan por dicidi di antemano pa no usa credito, por ehempel ora di spaar pa un ocasion importante of ora di pega na un presupuesto estricto,” Klarna a bisa.

Homber di Amsterdam deteni relaciona cu cargamento di cocaina balora na mas di 112 miyon euro

(NLTimes) – Despues di e intercepcion di 13 di juni di 4.500 kilo di cocaina—scondi den un cargamento di palo di West Africa na e waf di Amsterdam y

balora na mas cu 112 miyon euro—autoridadnan a haci un desaroyo significativo den e investigacion.

Siman pasa a detene un homber di 42 aña procedente di Amsterdam riba sospecho di envolvimento den e operacion di contrabando di droga, Ministerio Publico (Openbaar Ministerie, OM) a informa. Relaciona cu e detencion, forsanan di ley a haci buskeda den varios localidad

di negoshi liga na e investigacion. Oficialnan a indica cu mas detencion ta posibel segun cu e investigacion ta sigui.

E droganan a ser descubri despues cu duana a selecta e container pa un inspeccion detaya a base di un analisis di riesgo. Cacho sniffer y ekipo di scan avansa a yuda oficialnan localisa e cocaina, cu tabata profesionalmente paketa y scondi meymey di carga di



palo. Servicio di Inteligencia Fiscal, Servicio di Duana, y polis ta colaborando bao di e task force HARC-NZKG, coor-

dina pa Ministerio Publico na Amsterdam. E cocaina a ser confisca y desde e tempo ey a ser destrui segun ley Hulandes.

Islanan ta train hunto pa respuesta pa calamidad riba Sint Maarten



(Bonaire.nu)– E training fisico pa Team di Respuesta pa Calamidad (Community Disaster Response Team, CDRT) a inicia oficialmente siman pasa riba Sint Maarten. E training ta trece participantenan di seis isla Hulandes Caribense hunto: Aruba, Boneiro, Corsou, Sint Maarten, Saba y Sint Eustatius. E meta ta pa fortalece e capacidad di preparacion y respuesta regional pa calamidad.

E curso ta ser facilita door di e programa Caribbean Disaster Risk Management (CaDRiM) y ta sigui un session di entrenamiento online di cuater dia anterior. E parti fisico tin un duracion di tres dia y ta encera instruccion practico, ehercicionan conhunto y riba e ultimo dia un simulacion completo den cua ta test e conocimiento y habilidad adkiri di e participantenan.

Segun e organisadornan, e entrenamiento ta promove cooperacion entre e islanan y mihor preparacion pa emergencianan den futuro, manera horcan, inundacion y otro situacionnan comun di crisis den region. Cruz Cora Hulanda ta organisa e training, cu CaDRiM como facilitador principal.



PUBLIC AUCTION

THURSDAY
JULY 31, 2025

On Thursday, July 31, 2025 at 11 am, at the Chamber of Commerce, Aruba, will be auctioned in public (*executoriale verkoop*) pursuant to art. 3:268 and 3:254 Civil Code of Aruba:

Sabana Grandi 13-D

a residential house, on a right of long lease until October 12, 2066, on a parcel government land with a measurement of 496 m2, situated at Pabilon in Aruba, recorded in the Title Registry of Aruba with a measurement letter (meetbrief) number 69 of 2006.

Starting bid: t.b.d.



AUCTION NOTARY: Th.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary Th.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until **July 16, 2025, at 5 PM**. A bidding form can be downloaded on our website.

For more information visit:
WWW.JOHNSONNOTARY.COM

Tormentanan Tropical Barry y Flossie ta forma banda di costanan zuidoost y zuidwest di Mexico

(AP) — Tormenta Tropical Barry a forma diadomingo cerca di costa zuidoost di Mexico y ta anticipa pa e tormenta causa yobida fuerte riba e region pa varios dia.

Segun Centro Nacional di Horcan di Merca na Miami, e centro di e tormenta tabata localisa mas o menos 55 kilometer den norte di Tuxpan, Mexico. E tabata tin biontonan sosteni cu maximo di 75 kph y tabata moviendo den direccion noordwest cu 15 kph.

Un advertencia pa tormenta tropical ta vigente pa costa

zuidoost di Mexico, for di Boca de Catan te Tecolutla. A anticipa pa e tormenta yega riba tera diadomingo anochi. Debilitacion rapido ta anticipa despues cu e sistema pasa riba tera.

Meteorologonan a bisa cu e tormenta por causa yobida di casi 8 pa 15 centimeter di awa, cu un total maximo isola di 25 centimeter den e areanan di Veracruz, San Luis Potosi, y Tamaulipas te dialuna.

Mientras tanto, Tormenta Tropical Flossie a forma banda di costa zuidwest di Mexico. E tabata localisa mas o menos 380 kilometer na zuid

di Acapulco y tabata move den direccion west-noordwest cu 13 kph cu biontonan sosteni cu maximo di 40 mph (65 kph).

Un vigilancia pa tormenta tropical tabata vigente pa costa zuidwest di Mexico, for di Zihuatanejo te Cabo Corrientes.

Flossie ta anticipa pa bira un horcan dialuna of diamars laat, pero lo keda den awanan habri na e banda west di Mexico.

Meteorologonan a bisa cu e tormenta por causa yobida di 8 te 15 cm di awa, cu un total



maximo isola di 25 centimeter den algun parti di Oaxaca, Guerrero, Michoacan, Coli-

ma, y Jalisco te cu e comienso di e siman aki.

Colombia: 22 morto y 8 desaparecido pa tera los

(AP) — E cantidad di hende cu a muri na momento cu tera a los siman pasa den nort oriente di Colombia a alcansa 22, cu ocho ainda desaparecido, segun autoridadnan.

Gruponan di rescate diasabra

ainda tabata buscando victima na Medellin, e di dos ciudad mas grandi di Colombia y e ciudad cercano di Bello.

E tera a los diamars trempa despues di awasero pisa. Esaki a lansa cantidad di lodo y baranca riba barionan pobla,

derando decenas di hogar y lagando centenares di persona sin cas.

Tera cu ta los ta comun den e region ey, specialmente durante e temporada di yobida, di april te november.



Ecuador ta revela con lider di gang 'Fito' a sconde pa 18 luna despues di huy di prison

(AP) — Desde cu e lider di gang mas notorio di Ecuador a desaparece for di su cel di prison na januari 2024, autoridadnan ta bin buscando rond mundo, ofreciendo un recompensa di \$1 miyon pa informacion resultando den captura di Adolfo Macias, alias "Fito".

A resulta cu e homber mas busca na e pais tabata scondiendo den mansion di un miembro di su famia den su propio ciudad natal.

Forsanan di seguridad Ecuatoriano a re-captura e mafioso siman pasa na un bunker bao tera, bao di un cas cu muraya di marmer den ciudad di Manta.

Den comentarionan na prensa den weekend, autoridadnan a revela mas detaye tocante nan esfuersonan pa localisa Macias y e lugar unda el a pasa su ultimo simannan como fugitivo.

Autoridadnan a emiti un orden internacional di aresto pa Macias, kende tabata sirbien-



do un sentencia di 34 aña den prison pa traficacion di droga, crimen organisa y asesinato, den un prison na Guayaquil, prome cu su escape sorpresa. Macias tambe ta busca pa Merca, acusa di traficacion di droga y contrabando di arma.

Un luna pasa, autoridadnan a localisa famia di e mafioso, arestando varios di su familiarnan, confiscando nan propiedadnan y listrando nan negoshinan. Minister di Interior, John Reimberg a describi e accion contra famia di Macias como un "operacion psicologico" crucial pa e esfuerso di forsanan di seguridad pa ubica e lider notorio di e gang "Los Choneros" di

Ecuador.

Pero loke a pone inteligencia Ecuatoriano riba pista di Macias tabata e comportamiento inusual di un oficial di transito municipal na Manta, cu a stop di presenta na trabao varios luna atras. Vigilando e oficial a conduci servicionan di inteligencia na e circulo interno di Macias, segun Victor Ordoñez, un comandante di polis nacional.

Autoridadnan a descubri cu e oficial aki tabata frecuenta un edificio luhoso di tres piso, ekipa cu un piscina interior, un gym y camber di wega, y cu muraya y vloer di marmer. Muebles tabata lora den plas-

tic y TV ainda tabata den nan caha. Tur rond di e cas tabatin estatua di San Hudan Tadeo, e Santo patron di causa sin speranza venera pa traficantenan di droga Mexicano.

Ta kere cu Los Choneros tabata un di e promenan na Ecuador pa forma laso cu cartel di droga Mexicano.

Ordoñez tambe a bisa cu autoridadnan a ricibi confirmacion final cu Macias lo bay ta na cas na momento di e accion di 10 ora, for di su yiu muhe jong.

Prome cu salida di solo di aranson, centenares di soldad arma y oficialnan di seguridad a drenta e mansion y a cera e cayanan rond di dje. Pero no por a haya Macias.

Forsanan di seguridad a bula drone y a nota cu e tereno rond di e cas tabata muestra desigual, cu vegetacion sospechosamente altera sugeriendo un infraestructura y posible ventilacion bao di superficie.

E fugitivo tabata scondi den un bunker cu airco, na cual

por a haya acceso mediante un luik chikito, su entrada tapa pa cement y vloer den camber di laundry y por a habrie solamente di paden.

Polis a trece mashin pisa y a cuminsa coba, y ora e dak riba su cabes a cuminsa cay, Macias a reconoce cu captura tabata inevitable, minister Reimberg a bisa. E alternativa tabata muri trapa. Macias a sali.

Dentro di algun momento, e capo di droga mas poderoso di Ecuador tabata riba suelo cu un arma riba su cabes, forsa pa bisa su nomber completo. Sin camisa y cu un barba descuida, "Fit" a ser hiba pafo pa un team di agente y transporta na e prison di maximo seguridad di e pais, conoci como La Roca, na Guayaquil.

Presidente Ecuatoriano, Daniel Noboa a anuncia despues di e captura cu Macias lo keda extradita pa Merca pa persecucion penal. El a keda acusa na New York City na april, pa cargonan di importa y distribui miles di libra di cocaina na Merca.

Brasil ta yega na acuerdo cu Musk su Starlink pa contraresta uso criminal den Amazon

(AP) - Brasil su Ministerio Publico (OM) a anuncia diabierna cu a yega un acuerdo cu Elon Musk su Starlink pa contraresta e uso di su servicionan den minamento ilegal y otro actividadnan criminal na Amazon.

Starlink su sistema di internet di velocidad halto a rapidamente plama na Amazon, un region cu pa decada a lucha cu conectividad slow y tiki confiable. Sinembargo e servicio tambe a keda adopta pa organisacionnan criminal, cual a usa esaki pa coordina logistica, haci pago y ricibi alerta tocante inval di polis.

Esaki ta e prome acuerdo di su tipo cu e meta di contraresta e tipo di uso aki despues di añanan di presion for di autoridadnan di Brasil.

Starlink, un division di Musk su SpaceX, lo cuminsa rekeri identificacion of prueba di residencia for di tur usuario nobo na Brasil su region Amazon cuminsando den Januari. E compania tambe lo provee e autoridadnan di Brasil e



registracion di usuario y data di geolocalidad pa unidadnan di internet cu ta den e areanan bao investigacion.

Si un terminal keda confirma di ta den uso pa actividad ilegal, Starlink a compromete di blokia e servicio. E acuerdo ta valido pa 2 aña y por keda renoba.

Minamento ilegal a contaminar centenares di riu di Amazon cu mercurio y a stroba e vida tradicional di varios tri-

bu indigena, incluyendo Yanomami. Starlink, cual a yega e region prome den 2022, a permiti gruponan criminal mancha e operacionnan di minamento den areanan remoto, unda logistica ta complejo y ekipo y petroleo mester keda transporta via avion chikito of boto.

“E uso di internet via satellite a transforma e logistica di minamento ilegal. E realidad nobo aki ta exige un respuesta legal di proporcion. Cu e

acuerdo aki, conectividad den e areanan remoto tambe ta bira un herment pa responsabilidad ambiental y respet pa soberania,” fiscal federal Andre Porreca a bisa den un declaracion.

Mineronan di oro ilegal semper tabatin un forma di comunicacion, mas tanto via radio, pa evadi autoridadnan. Starlink, cu su internet lihe y mobil, a mehora significativamente e capacidad aki, Hugo Loss, coordinador di opera-

cionnan pa Brasil su agencia ambiental, a conta The Associated Press.

“Nan por transimiti den tempo real e localidad di autoridadnan, permitiendone anticipa nos yegada, cual ta compromete seriamente e seguridad di nos personal y ta debilita con efectivo nos operacionnan ta,” Loss a conta. “Corta e señal den areanan di minamento, specialmente riba tereno Indigena y areanan proteha, ta esencial pa motibo cu acceso na internet den e sitionan aki ta sirbi propositonan criminal so.”

Jair Schmitt, hefe di proteccion ambiental pa e agencia, a bisa cu loke tambe ta necesario ta regulacion mas estricto riba e benta y uso di e tipo di ekipo aki.

AP a manda un email na James Gleeson, ken ta SpaceX su vice presidente di comunicacionnan, cu preguntanan tocante e acuerdo cu a yega, sinembargo no a ricibi un contesta.

Guyana lo intensifica accion contra contrabanda di oro for di Venezuela bao recomendacion di gobierno Mericano



(AP) - `Guyana a priminti di intensifica accion contra oro contrabanda na e frontera for di bisina Venezuela, bao recomendacion di e gobierno Mericano.

Presidente Irfaan Ali a bisa

diabierna atardi cue gobierno di e pais Sur Americano ta dedicando “recursonan enorme” pa combati e contrabanda, cual tin hopi tempo siendo un problema. El a bisa cu autoridadnan a aumenta e patrulla na frontera y mehora monitoreo na regionnan

di minamento.

Oficialnan local tambe a bisa cu nan ta sospecha cu oro sanciona di Venezuela ta mescla cu oro mina na Guyana y despues bendi como produccion local den mercadonan na Merca, Canada y Medio

Oriente entre otro.

Den 2021, Royal Canadian Mint a suspende compra di oro for di un compania di exportacion grandi na Guyana pa motibo cu oficialnan tabatin sospecha cu algun carga ta mescla cu oro di Venezuela, un acusacion cu e compania a nenga. Mientrastanto, e embahada di Merca na Guyana a suspende visa di varios minero sospecha di contrabanda oro di Venezuela pa exterior.

Oro ta Guyana su di dos exportacion mas importante despues di petroleo, generando casi 1 biyon dollar aña pasa. Alrededor di 434,000 ounce di oro a keda produci aña pasa, un aumento di e 432,000 ounce produci e aña anterior segun e ministerio di Recursonan Natural. El a nota cu te hasta 50% di e produccion di oro local ta contrabanda for di Guyana.

Embahador Mericano Nicole Theriot riba diabierna a elogia Guyana su cooperacion, notando cu e paisnan a traha

hunto pa garantisar Guyana su frontera cu Venezuela.

Relacionnan entre e dos bisina Sur Americano ta keda tenso mirando e disputa tocante e region Essequibo, cual Venezuela tin tempo ta bisa cu ta pertenece na e. E ta representa dos tercer parti di Guyana y ta rico den oro, diamante, y otro recursonan natural. Tambe e ta situa cerca di depositonan di petroleo grandi, cu produccion yegando un averahe di 650,000 bari diario.



Aeropuerto di Aruba a logra e prestigioso LEED Gold Certification

Aruba Airport Authority N.V. (AAA) ta orguyoso di anuncia cu Queen Beatrix International Airport (Aeropuerto di Aruba) su proyecto di expansion di terminal Gateway 2030 Fase 1A (GW 2030 Fase 1A) a logra e distinguido LEED Gold Certification como e 'Prome Terminal di Aeropuerto den Caribe' y e 'Prome edificio nobo certifica di LEED Gold' na Aruba. E logro aki ta marca un logro significativo den e compromiso di aeropuerto pa crecimiento sostenibel y cuido di medio ambiente.

Pa conmemora e logro remarcabel aki, Aeropuerto di Aruba a tene un recepcion chikito riba diahuebs 26 di juni. E evento a conta cu presencia di mr. Wendrick Cicilia, Minister di Turismo y Labor, e Miembronan di Supervision di Directiva di Aruba Airport



Authority N.V. y e empleadonan di Aeropuerto di Aruba cu a contribui na realisacion di e certificacion aki. Durante e recepcion a reconoce e esfuerso colaborativo y e vision comparti cu a haci e logro aki posibel, reenforzando e rol di Aeropuerto di Aruba como lider den infraestructura di aviacion sostenibel den Caribe.

E certificacion LEED (Leadership in Energy and Environmental Design) ta un simbolo reconocido di excelencia mundialmente den e edificacion berde. LEED Certi-

ficacion ta provee un estructura pa e edificacion berde, eficiente y cu ta spaar gasto, cu ta ofrece beneficiacion ambiental, social y di maneho. Pa logra e LEED Gold Certification por score un posibel 60-79 punto di cual Aeropuerto di Aruba a logra 68 punto.

GW 2030 Fase 1A ta encera un expansion di 14.250 m2 di e terminal di pasahero di salida di Merca, incluyendo un sala nobo di check-in, baggage hall y oficina di compania di aviacion. Durante henter e proyecto, a implementa un cantidad di diseño y innovacion. E metricanan y



e medidanan clave sostenibel di GW 2030 Fase 1A ta inclui:

- **Eficiencia di energia:** 48% menos demanda di energia compara cu e edificio di terminal existente, cu 5% di energia renoba produci na e sitio.
- **Conservacion di awa:** 24% menos demanda di awa y nota haci uzo di awa potabel pa irrigacion.
- **Maneho di desperdicio:** A desvia mas cu 57% di e desperdicio di construcion genera for di e terenonan di destruccion.
- **Materialnan:** Uzo di contenido recicla y materialnan natural pa mehora e calidad di aire paden y rendimiento ambiental.
- **Transporte:** Ta provee stacionnan di combustible alternativo (charger EV) pa 5.35% di e capacidad total di auto staciona y e vehiculonan cu ta emiti menos emision.
- **Energia alternativo:** Panelnan solar y compra di energia berde.
- **Calidad di medio ambiente paden:** Ventilacion controla pa demanda, iluminacion LED, y materialnan cu tiki VOC pa un clima saludabel paden.

Aeropuerto di Aruba ta hunga un rol crucial den conecta e isla cu mundo y impulsa crecimiento y desaroyo economico pa e comunidad local pa medio di turismo y creacion di cuponismo di trabou. Reconociendo e importancia di desaroyo sostenibel, Aeropuerto di Aruba a lansa e proyecto Gateway 2030 Terminal Expansion pa atende limitacionnan di capacidad y sigura crecimiento den futuro na un manera responsabel pa medio ambiente.

Un compromiso cu futuro

Cu finalisacion di GW 2030 Fase 1A, Aeropuerto di Aruba a haci pasonan significa-



tivo pa crea un aeropuerto berde y sostenibel. Pa medio di un colaboracion fuerte entre Aruba Airport Authority N.V. y Netherlands Airport Consultants, a sigura e integracion di principianan di diseño innovativo y sostenibel pa cumpli cu e LEED Gold Standards door di e organo di certificacion di LEED (USGBC). E proyecto di expansion di Terminal Gateway 2030 lo sigui expande, cu fasenan siguiente cu ta andando caba y cu e meta pa mas certificacion di LEED.

Angeline Flemming, Director of Health and Sustainability a expresa: "E logro historico aki ta posibel door di e dedicacion y compromiso di henter e compania y ta subraya e compromiso di AAA cu sostenibilidad, door di prepara y checuta e proyectonan na un manera responsabel. AAA ta bon consciente di su responsabilidad pa opera na e manera mas sostenibel posibel, cu ta inclui mantencion di facilidadnan y mantencion na e facilidadnan di aeropuerto."

"Diseña y construi facilidadnan basa riba principianan di Leed ta duna nos team guianan cla pa inclui e principianan di eficiencia y sostenibilidad for di trempan den nos proyectonan. Como compania, nos ta comprometi na baha nos consumo di energia y awa y construi segun e principianan aki ta garantisar resultadonan positivo", asina Gilbert Rafael, Chief Development & Technology di AAA a expresa.



Princess Group of Companies-Sint Maarten WE ARE HIRING!

Hotel Manager

Port de Plaisance Resort, Trademark Collection by Wyndham® is a premier hotel located in the heart of Cole Bay. We are seeking a highly motivated, dynamic, and experienced Hotel Manager to lead our team to new heights in providing exceptional service and creating unforgettable experiences for our guests. The ideal candidate will oversee all aspects of our hotel operations and possess a strong background in hospitality management, exceptional leadership skills, and a passion for delivering outstanding guest experiences.

Key Responsibilities:

- Oversee daily operations of the hotel, including front desk, housekeeping, maintenance, and food and beverage departments.
- Ensure exceptional guest service and satisfaction, addressing any issues or concerns promptly and professionally.
- Manage staff recruitment, training, and development to ensure a high-performing and motivated team.
- Monitor and control budgets, expenses, and inventory to achieve financial targets.
- Implement and maintain hotel policies, procedures, and standards.
- Develop and execute strategies to enhance guest satisfaction and increase revenue.
- Conduct regular inspections of the property to ensure high standards of cleanliness and maintenance.
- Handle guest complaints and resolve issues in a timely and effective manner.
- Collaborate with marketing and sales teams to promote the hotel and attract new business.
- Stay updated with industry trends and best practices to continually improve hotel operations.

Qualifications:

- Bachelor's degree in Hospitality Management, Business Administration, or related field.
- Minimum of 5 years of experience in hotel management.
- Multilingual skills are preferred (Dutch, English and French)
- Strong leadership and interpersonal skills.
- Excellent problem-solving and decision-making abilities.
- Exceptional customer service skills and a passion for hospitality.
- Proficient in hotel management software and MS Office.
- Ability to work flexible hours, including nights, weekends, and holidays.

If you are interested in this position, please email your resume with a cover letter to hr.princess.sxm@gmail.com and apply.nesc@sintmaartengov.org

Coro anti-Israel di duo di rap Bob Vylan ta pone polis di Reino Uni revisa presentacion di Glastonbury

(AP) — Polis Britanico a bisa cu nan tabata examina videonan di un banda cu a hiba coro di “morto na IDF” — Forsanan di Defensa di Israel — na e Festival di Glastonbury.

Rapper Bobby Vylan, di duo di rap punk Bob Vylan, a dirigi e multitud cu a asisti na e festival diasabra den coro di “Palestina liber, liber” y “morto, morto pa e IDF.”

Polis di Avon y Somerset a bisa cu nan tabata na altura di comentarionan haci pa artistanan na e festival, y a bisa cu oficialnan lo revisa evidencia di video “pa determina si cu alquier ofensa por a ser cometi cu lo rekeri un investigacion criminal.”

Grupo di rap di idioma Irlandes, Kneecap tambe a presenta diasabra a pesar di un acusacion di teror contra un di su miembronan pa supuestamente sostene Hezbollah, hibando un multitud grandi den canto di “Palestina Liber.”

Embahada di Israel na Reino Uni a bisa riba rednan social cu e tabata “profundamente perturba pa e retorica inflamatorio y odioso expresa riba escenario na e Festival di Glastonbury.”

Secretario di Salud, Wes Streeting diadomingo a condena e accionnan di Bob Vylan como “espantoso.” El a bisa Sky News cu BBC y organisadornan di festival mester a contesta pregunta tocante con e comentarionan a ser transmiti en bibo pa mision.

Sinembargo, el a urgi Israel tambe pa “tuma e violencia di nan propio ciudadanonan pa cu Palestinonan mas na serio” ora a puntra tocante e



condenacion di e embahada Israeli pa e accionnan di e banda.

E minister a referi na e crisis humanitario continuo na Gaza y “e hecho cu terroristanan colonial Israeli a ataca un pueblo Cristian e siman aki, pega esaki na candela,” y a urgi Israel pa “pone bo mes cas na ordo.”

Gobierno a bisa cu su secretario di Cultura a papia cu e director general di BBC tocante e actuacion di Bob Vylan.

BBC a bisa cu el a emiti un advertencia riba pantaya tocante “idioma hopi fuerte y discriminatorio” durante e transmision en bibo.

Glastonbury ta e festival di musica di berano di mas grandi di Gran Bretaña y ta atrae alrededor di 200.000 fanatico di musica tur aña pa Worthy Farm den sur occidente di Inglatera. Casi 4.000 acto ta presenta riba 120 escenario.

Organisadornan di e festival a bisa riba Instagram cu e canticanan di Vylan “a crusa un liña hopi mes.”

“Nos ta recorda tur hende involvi den produccion di e Festival urgentemente cu no tin lugar na Glastonbury pa antisemitismo, discurso di

odio of instigacion pa violencia.”

“Cu casi 4.000 presentacion na Glastonbury 2025, inevitablemente lo tin artistanan y oradornan cu ta aparece riba nos scenarionan kende nan puntonan di bista nos no ta comparti, y e presencia di un artista aki nunca mester ser mira como un sosten tacito di

nan opinion y creencia,” el a bisa.

E dos miembro di Bob Vylan tur dos ta tene nan number real secreto pa motibo di privacidad. Funda na 2017, e banda a lansa cuater album.

Kneecap, cu a haya critica pa su comentarionan riba politica di Medio Oriente, tambe a duna un presentacion apasiona pa diesmiles di fanatico.

Liam Óg Ó hAinmídh, kende ta actua bao di e number artistico Mo Chara, a ser acusa bao di e Ley di Terrorismo di a sostene un organizacion prohibi pa supuestamente zwaai un bandera di Hezbollah na un concierto na Londres na november.

E rapper, kende a ser acusa bao di e version Anglica di su number, Liam O’Hanna, ta bao di fianza incondicional

prome cu un otro audiencia di corte na augustus.

E grupo tabata bao di control desde cu videonan a surgi cu supuestamente ta muestra e banda ta grita “subi Hamas, subi Hezbollah” y ta haci un yamada na hende pa mata legisladornan.

Riba diasabra miembronan di banda a dirigi e publico den canticanan di “Palestina Liber” y “Mo Chara Liber.” Nan a dirigi tambe un canto yen di expletivo riba Prome Minister di Reino Uni Keir Starmer, kende a bisa cu e no ta kere cu tabata “apropia” pa Kneecap toca na Glastonbury.

Rod Stewart, Olivia Rodrigo y The Prodigy ta entre e actonan cu a toca diadomingo pa e ultimo dia di Glastonbury.



Princess Group of Companies-Sint Maarten WE ARE HIRING - PARALEGAL

Job Summary:

We are seeking a meticulous and reliable Paralegal to support our legal and compliance operations. The ideal candidate will assist in ensuring our casinos' activities adhere to local laws, gaming regulations, and internal policies. This role requires strong organizational and research skills and the ability to work under minimal supervision in a fast-paced gaming environment.

Key Responsibilities:

- Assist in drafting, reviewing, and managing contracts, agreements, and legal correspondence.
- Support the legal team in ensuring compliance with gaming laws, licensing requirements, labor laws, and AML regulations.
- Maintain and organize legal files, databases, and corporate records.
- Liaise with local regulators, government agencies, and external legal counsel.
- Monitor updates to gaming regulations and notify relevant departments of changes.
- Prepare and file documentation for regulatory submissions and license renewals.
- Conduct legal research on gaming compliance, labor, and corporate governance matters.
- Assist with internal investigations and documentation of incident reports.
- Help coordinate and prepare for audits and regulatory inspections.

Required Skills & Competencies:

- Strong knowledge of legal terminology and procedures.
- Excellent research, writing, and document drafting skills.
- High attention to detail and accuracy.
- Strong organizational and multitasking abilities.
- Excellent communication and interpersonal skills.
- Discretion and confidentiality in handling sensitive information.
- Familiarity with gaming industry regulations and compliance frameworks is a plus.
- Proficiency in Microsoft Office and legal research tools.

Qualifications:

- HBO-Rechten degree or equivalent or Associate's or Bachelor's degree in Legal Studies, Law, or related field.
- 2+ years of experience as a paralegal, ideally in gaming, hospitality, or regulatory law.
- Knowledge of Dutch Caribbean and Sint Maarten legal systems is an advantage.
- Fluency in both Dutch and English.
- Must be legally authorized to work in Sint Maarten.

To apply, please submit your CV, a brief cover letter, and any relevant certifications to: hr.princess.sxm@gmail.com and apply.nesc@sintmaartengov.org with the subject line: Paralegal Application



Cristiano Ronaldo ta duna prioridad na un record di 6 Cup Mundial riba e Cup Mundial di Club

(AP) – Sosega prome cu hunga den un di seis Cup Mundial tabata mas importante pa Cristiano Ronaldo cu cambia di ekipo pa hunga den e Cup Mundial di Club.

“Mi tabatin algun oferta pa hunga Cup Mundial (di Club) pero mi ta kere cu e no tabatin sentido, pasobra mi ta prefera di tin un bon sosiego, un bon preparacion, pasobra e temporada aki lo ta hopi largo, pasobra esaki ta e temporada di Cup Mundial, na final di temporada,” Ronaldo a bisa den un video di

Instagram publica pa su club di Saudi Arabia, Al Nassr, despues di a firma un extension di dos aña. “Asina mi kier ta cla no solamente pa Al Nassr pero tambe pa e seleccion nacional.”

Un Ronaldo di 40 aña di edad a yuda Portugal gana e trofeo di Liga di Nacion cu un victoria den tiro di penalty riba Spaña tres siman pasa, ora cu speculation tabata circula cu e lo a transferi pa un otro club pa hunga den e Cup Mundial di Club cu ta actualmente ta tumando lugar na Merca.

E y su rival Argentino di hopi tempo, Lionel Messi, por ta e prome hungadornan pa aparece den seis Cup Mundial na e torneo di otro aña co-anfitrión Merca, Canada y Mexico.

Na Qatar tres aña pasa, Ronaldo a bira e prome hungador masculino pa score den cinco Cup Mundial.

E extension di e cinco biaha ganador di Balon d’Or cu Al Nassr ta nifica cu e lo sigui hunga te por lo menos e edad di 42 aña.



Entrenador di cabay di Hall of Fame D. Wayne Lucas, ganador di 15 careda di Triple Crown, ta fayece cu 89 aña



(AP) – D. Wayne Lucas, e Hall of Famer cu a bira un di e entrenadornan mas exitoso den historia di careda di cabay y un cara di e deporte pa decadan-an, a fayece. E tabatin 89 aña.

Su famia a bisa diadomingo cu Lucas a fayece diasabra anochi na su cas na Louisville, Kentucky. Lucas a ser hospitalisa cu un infeccion severo di sanger di MRSA cu a causa daño significativo na su curason y sistema digestivo y a empeora condicionnan cronico preexistente.

“Wayne a dedica su bida no solamente na cabay pero na e industria — desaroyando generacionnan di cabay y crece e weg door di invita fa-

naticonan den e circulo di ganador,” su famia a bisa den un declaracion. “Sea e tabata gaba tocante un mucha muher di 2 aña como e siguiente ganador di Kentucky Derby of ofrece palabranan trankil di conseho prome cu un careda grandi, Wayne a trece curason, gracia y curashi na tur skina di e deporte. Su ultimo dianan a pasa na cas na Kentucky, caminda el a scoge paz, famia y fe.”

Lucas a gana 15 careda di Triple Crown, incluyendo e Kentucky Derby cuater biaha. Solamente bon amigo Bob Baffert tin mas victoria di Triple Crown, y Lucas ta doño di un record di 20 den e campeonato Mundial di Cup di Criador.

“Henter e secreto di e weg

aki, mi ta kere, ta pa por lesa e cabay: Lesa kico e mester, kico e no mester, kico e no por haci, kico e por haci,” Lucas a bisa na mei prome cu su di 34 y ultimo Preakness Stakes. “Esey ta henter e yabi. Tur hende tin e herero, tur hende tin e mesun cama disponibel, e homber di cuminda. Nos tur por contrata un bon jockey. Nos tur por contrata un coredor di ehercicio basta bon si nos tin e medionan, anto ki diabel ta e diferencia? E cabay ta e diferencia y kico nos ta haci cune den lesa.”

Lucas tabata conoci cariñosamente rond di e cunucu y e pista di careda como “Coach” pasobra e tabata entrena basketball di scol secundario prome cu su carrera profesional cu cabay a cuminsa. Hasta cu lunanan pa bay prome cu su di 90 hacimento di aña, e tabata lanta riba su pony den oranan di mainta trempan y sali bay pista su mes, en bes di laga su assistentnan haci e

trabao diario.

Darnell Wayne Lucas naci dia 2 di september 1935, na Wisconsin como e di dos di tres yiu, el a bira prominente den e deporte cu cabay di cuart den careda cu ta efectivamente sprint. El a muda pa pura sanger na fin di añan-an 1970 y a gana su prome Preakness cu Codex na 1980.

Lucas tin 4.967 victoria documenta den careda di pura sanger, cu su cabaynan ganando mas cu 310 miyon dollar for di mas cu 30.600 salida.

“Awe nos a perde un di e gran campeonnan di Churchill Downs y un di e figuranan mas significante den careda di Thoroughbred durante e ultimo 50 añanan,” CEO di Churchill Downs Inc. Bill Carstanjen a bisa. “Nos lo sinti falta di su humor, su sabiduria y su capacidad inigualabel pa emociona e fanaticonan cu e actuacion di su cabaynan riba e dianan mas

grandi di nos deporte.”

Logrando algo di un renacimiento di carera durante e ultimo decada, un cu e ta atribui na haya e doñonan corecto dispuesto pa gasta placa riba cabay, Lucas a gana e Preakness aña pasa cu Seize the Grey. Puntrando kico ta motiv’e pa sigui haci su trabao bon te na su ultimo añan-an di 80, el a duna un charla di animacion apto pa un camber di bistimento prome cu un weg grandi.

“Si bo tin un pasion, bo ta elimina tur e excusa,” Lucas a bisa. “Asina e ta funciona. Bo ta lanta trempan. Bo ta bay sin come. Bo ta core auto. Bo ta bay sin drumi — basta bo tin e pasion. No laga e sofa ey hala bo abao. Ta un tiki facil ora e alarma ey bati pa bisa, ‘Oh mi Dios, mi no sa si di berdad mi kier haci esaki awe.’ Bora esey. E decision di mas importante cu bo ta tuma den bo bida ta hacie trempan, y haci esun corecto.”



Lando Norris ta wanta Oscar Piastru pa gana e Gran Prix di Austria di Formula 1

(AP) — Den e siman cu e pelicula “F1” a drenta cine, Formula 1 a entrega algun momento cinematografico di bida real di su mes.

Compañeronan di ekipo a bringa pa e liderazgo y a yega cerca di dal den otro ora Lando Norris a wanta un reto di un careda largo di su compañero di ekipo di McLaren Oscar Piastru pa gana e Gran Prix di Austria diadomingo y aumenta su speranza di gana e titulo.

Norris y Piastru a bringa pa e bentaha for di cuminsamento, cu e Australiano brevemente den bentaha prome cu Norris a tuma e posicion back. Un salto di Piastru a casi causa un colision net despues

Piastru a perde tereno na e pitstopnan y core bay hanchu riba e yerba door di Franco Colapinto di Alpine mientras e tabata corta den trafico. Pronto el a traha tereno riba Norris pero no por a yega suficiente cerca pa purba un otro overtake.

Na radio, Norris a yam’e un final “bunita uno-dos” pa e ekipo. “Nos tabatin un gran bataya, esey ta sigur,” el a agrega despues. “Hopi stress, pero hopi diberticion. Un dushi bataya, asina bon haci pa Os-



car.”

Nan ta sigui pa e careda di Norris na cas dia 6 di juli na Gran Bretaña, e punto di mitar di temporada.

Un careda di dos

Mas cu nunca e temporada aki, e pelea pa titulo ta enfoca riba e dos McLarennan despues cu e campeón defensor Max Verstappen a ser golpia pa Kimi Antonelli den e buelta di apertura, terminando su careda.

Lider general Piastru ta lidera

e di dos lugar Norris cu 15 punto, cu Verstappen ainda na di tres pero awor 61 for di e liderazgo. El a bisa e emisora Sky Sports despues di e careda cu e ta spera cu e incidente lo nifica por lo menos pregunta tocante su chens pa gana e titulo.

Dos siman despues cu Norris a pidi disculpa na McLaren pa a dal den Piastru na Canada, tabata Piastru su turno pa bisa disculpa na e ekipo pa un casi-colision entre e dos piloto diadomingo. E Australiano tambe a bisa cu e ta lamenta

di no a haci mas di su poco secondenan den bentaha mas trempa den e careda.

“Mi ta spera cu e tabata bon pa wak pasobra e tabata un trabou basta duro for di e auto,” Piastru a bisa. “Mi a purba mi best y probablemente por a haci un mihor trabou ora mi a djis yega dilanti momentaneamente.”

Piastru a agrega despues cu e tabata “probablemente pushando e limitenan un tiki hopi for di mi banda un of dos biaha pero nos ta brin-

gando pa gana careda den Formula 1. E ta bay ta basta duro.”

Ferrari fuerte cu di tres y di cuater

Charles Leclerc tabata di tres pa su di tres podium den cuater careda, cu su compañero di Ferrari, Lewis Hamilton di cuater.

George Russell, kende a gana e ultimo careda na Canada, tabata di cinco pa Mercedes y Liam Lawson di seis pa Racing Bulls den su mihor resultado di temporada.

Fernando Alonso di Aston Martin a wanta Gabriel Bortoleto di Sauber pa di shete den un bataya di careda laat entre dos piloto cu conoce otro bon pafo di e pista. Doble campeón Alonso a guia e carera di e Brasileño a traves di su compania di maneho.

Bortoleto por a celebra su prome puntonan den su temporada di nobato, lagando Colapinto y e piloto cu el a reemplaza na Alpine, Jack Doohan, como e unico competencia sin ningun punto na 2025.

E di dos Sauber di Nico Hulkenberg tabata di nueve y Esteban Ocon a termina di 10 pa Haas.



(AP) — E campeonnan di Europa a saca Lionel Messi y su compañeronan di Inter Miami for di e Cup Mundial di Club diadomingo.

Paris Saint-Germain, ex-club di Messi y e team cu a gana e final di Champions League apenas algun siman pasa, a contene un di e mihor hungadornan di e wega den Mercedes-Benz Stadium y a

Lionel Messi y Inter Miami ta sali di Cup Mundial di Club despues di derota di 4-0 contra PSG

derota Inter Miami cu score di 4-0 den e buelta di 16.

Luchanan defensivo a bolbe plaga Miami cu tur cuater gol di PSG a yega prome cu half-time. Un lesion trempa di e defensa Noah Allen a contribui na e problemanan di e ekipo di e tempo ey, mientras cu e portero Oscar Ustari a sigui sobresali.

Ofensivamente, Messi y su liña delantero a pasa mayoria di e prome mitar den nan propio mitar. E rendimiento di e di dos mitar a mehora, pero e ekipo a parce di ta mucho dependiente di un momento di magia di Messi pa yuda nan avansa.

Inter Miami tabata e unico ekipo di Futbol di Liga Grandi pa avansa pa e buelta di eliminacion di e torneo ex-

pandi. E ekipo a desafía e expectativanan cu un victoria di 2-1 riba e club Portugues FC Porto, cu tabata un faborito durante e wega.

E wega a capta atencion di fanaticonan di futbol rond mundo ora Miami a bira e prome ekipo di MLS pa gana un club Europeo den un competencia oficial.

“Mi ta kere cu nos a funciona na un nivel haltu,” e defensa di Miami, Jordi Alba a bisa. “Esaki lo yuda nos haya confianza y sa cu nos por competi contra cualkier hende si nos ta na e nivel cu nos tabata na e Cup Mundial di Club aki.”

Messi ta sali for di e torneo cu un record perfecto di avance den fase di grupo. E Argentino nunca a ser elimina den e fase di grupo di un torneo

oficial, sea ta hunga pa un club of su seleccion di Argentina.

A pesar di e derota di diadomingo, e wega di e torneo di Miami a muestra hopi positivo mientras e ekipo ta prepara pa bolbe na su programa di MLS. Fuera di e triunfo riba Porto, Miami tambe a empata cu e club Brasileño Palmeiras, un ekipo cu a avansa pa cuarto di final di e competencia diasabra.

Miami ta na di seis lugar den e Conferencia Oriental cu un record di 8-3-5, 11 punto tras di e prome lugar Philadelphia Union.

Temporada pasa, Miami a gana e MLS Supporters’ Shield pa e mihor record di temporada regular di e liga.

Corte Supremo ta mantene ley di Texas cu meta di blokia muchanan for di mira pornografia online

(AP) - Corte Supremo riba diabierna a mantene un ley di Texas cu meta di blokia muchanan for di mira pornografia online.

Casi mita di e estadonan a aproba leynan similar cu ta rekeri e websitenan di contenido adulto verifica edad pa tin acceso na e material pornografico. E leynan aki ta bini mientras smartphone y otro dispositivo ta haci mas facil tin acceso na pornografia online, incluyendo material extremo.

Corte tabata dividi na e lineanan ideologico den e decision di 6-3. E tabata un perdida pa e grupo di e industria di entretenimento pa adulto yama Free Speech Coalition, cual a desafia e ley na Texas.

E opinion di e mayoria, skirbi pa Hues Clarence Thomas, a haya cu e medida no ta un restriccion serio na e adul-tonan su derecho di "libertad di expresion." "Adul-tonan tin e derecho di tin acceso na contenido obsceno solamente pa



menornan ... pero adul-tonan no tin un derecho cu ta evita verificacion di edad," el a skirbi.

Den oposicion, Hues Elena Kagan a skirbi cu corte mester a usa un standard legal mas haltu ora di pisa si e ley ta crea problemanan di libertad di expresion pa adul-tonan. "Mi lo exige Texas demostra mas, pa garantiza cu e no ta debilitando e balor den interes di e expresion liber," el a skirbi.

Pornhub, un di e websitenan mas druk na mundo, a stop

di opera den varios estado, incluyendo Texas, citando e problemanan tecnico y di privacidad den cumpli cu e leynan.

Procurador General di Texas Ken Paxton, un republicano, a celebra e decision. "Companianan no tin e derecho di expone menornan na pornografia y mester institui medianan di verificacion di edad razonable," el a declara. E decision aki por habri caminda pa mas estado por adopta leynan similar como un di e varios paso pa preveni cu muchanan lo keda exponi na

pornografia, e grupo National Center on Sexual Exploitation a bisa.

Mientras cu Free Speech Coalition a acepta cu e muchanan no mester mira pornografia, el a bisa cu e ley ta pone un presion di libertad di expresion inhuerto riba adul-tonan pa medio di rekeri cu nan mester entrega informacion personal cu por ta vulnerable pa hacking of tracking.

Alison Boden, su director ehecutivo, a yama e decision desastroso. El a bisa cu menornan ya caba a haya manera pa yega na contenido sexual online a pesar di e ley y su "efecto masivo riba adul-tonan."

E requisito di verificacion di edad ta cay riba websitenan cu tin un cierto cantidad di material sexual, na luga di e search engine of websitenan di rednan social cu por ser usa pa haya esaki.

Samir Jain, vice presidente di politica na Center for De-

mocracy & Technology, a bisa cu e requisito di verificacion di edad ta trece preocupacionnan serio di privacidad y expresion liber. E corte su decision "ta deshaci di decada di precedente y tin e potencial di stroba acceso na expresion proteha pa First Amendment riba internet pa tur hende, muchanan y adul-tonan mescos."

Texas ta argumenta cu e tecnologia a mehora significativamente den e ultimo 20 aña, permitiendo plataformanan online facilmente revisa e usuario su edad cu un potret lihe. E rekisitonan aki ta mas manera reviso di ID cu a implementa na tiendanan di articulonan pa adul-tonan, cual Corte Supremo a mantene den 1960.

"Mester tin algo cu ta proteha e porta algun caminda ora cu ta trata di exposicion," Rania Mankarious, CEO di Crime Stoppers of Houston a comenta. "Mientras cu nada no ta 100% efectivo, nos ta gradici di mira cu ta haci algo."

Robotnan di China ta genera mas emocion cu nan version humano den futbol

(AP) - Mientras cu China su ekipo di futbol masculino no a genera hopi emocion den añanan recien, e ekiponan di robot a genera fanatico na Beijing basa riba e tecnologia di AI involucra mas cu cualkier habilidad atletico demostra.

4 ekipo di robot similar na ser humano a enfrenta den wega di futbol completamente autonomo, podera completamente pa inteligencia artificial diasabra anochi den China su capital, den loke a elogia como un prome pa China y un bista di World Humanoid Robot Games binidero, cual lo tuma luga na Beijing.

Segun e organisadornan, e aspecto clave di e wega tabata cu tur e robotnan participante tabata opera completamente autonomo usando strategia motiva pa AI sin cualkier intervencion of supervision di ser humano.

Ekipa cu sensor avansa, e robotnan tabata por a identifica e bala y nabega e veld cu agilidad.



Tambe nan tabata diseña pa lanta nan mes ora nan cay. Sinembargo, durante e wega, mester a baha varios for di veld carga, algo cu a agrega na e realismo di e experiencia.

China ta impulsando su esfuersonan pa desaroya robot podera pa AI, usando competencianan den deporte manera maraton, boxeo y futbol como un veld di bida real pa test.

Cheng Hao, fundador y CEO di Booster Robotics, e compania cu a provee e hungadonan robot, a bisa cu competencia di deporte ta of-

rece e veld di test ideal pa robotnan di e tipo aki, yudando accelera y desaroyo di ambos algoritmo y e sistemanan integra.

Tambe el a enfatisa seguridad como un preocupacion clave den e aplicacion di e robotnan aki.

"Den futuro, nos por aregla pa e robotnan hungado futbol cu ser humano. Esaki ta nifica cu nos mester garantiza cu e robotnan ta completamente safe," Cheng a bisa. "Por ehempel, un robot y un ser humano por hunga un wega unda gana no ta importante,



a desaroya y hinca nan propio algoritmo di percepcion, tuma decision, formacion di hungadonan y strategianan - incluyendo e variablanan manera velocidad, forza y direccion, segun Cheng.

Den e ultimo wega, Tsinghua University su THU Robots a derota China Agricultural

declara. "Sinembargo Mountain Sea tambe tabata impresionante. Nan a trece hopi sorpresa."

China su ekipo di hende homber a logra un solo presentacion na Copa Mundial ya caba a sali for di proximo aña su competencia na Canada, Mexico y Merca.

Accidente pa falta di preferencia na Piedra Plat

Diabierna anochi a drenta informe di un accidente na e crusada banda di Weng Kee na Piedra Plat, mesora a dirigi un patruya na e sitio.

Na yegada di e patruya a bin compronde cu aki ta trata si un accidente pa falta di preferencia unda un auto a subi e crusada sin a duna preferencia na un auto di pariba y a bin dal riba dje.

Afortunadamente ningun hende a resulta herida pero ambos auto no por a sigui core riba nan mesun forsa.



Chauffeur no a regula su velocidad ni a mantene distancia y a bay dal tras di auto

Diabierna atardi a drenta informe di un accidente na e rotonde banda di F.C.C.A. na Wayaca, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di un Hyundai.

Afortunadamente ningun hende a resulta herida.



Polis a bay Sero Biento pa un caso di maltrato



Diabierna anochi a drenta informe di un caso di maltrato na Sero Biento, na yegada di e patruya a bin compronde cu aki ta trata di un caso unda un persona a ser maltrata y tabata

herida.

Polis mesora a pidi presencia di ambulance. Yegando na e sitio e persona a nenga atencion medico y polis a cancela e ambulance.

Polis a para atende chauffeur cu a comete infraccion den trafico



Diabierna mainta polis a nota un chauffeur cu a comete un infraccion na Tanki Leendert y mesora a par'e banda di Cadushi Supermarket.

Eynan polis a dun'e su boet pa e infraccion cometi.

Polis a para atende un otro chauffeur cu a comete infraccion den trafico



Diabierna merdia polis a nota un otro chauffeur cu a comete un infraccion na Tanki Leendert y mesora a par'e banda di Axion Battery Center.

Eynan polis a dun'e un boet pa e infraccion cometi.

Chauffeur a bira malo tras di stuur, hala na man drechi y dal auto staciona



Diabierna atardi a drenta informe di un accidente cu hende herida na Sero

Blanco, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur di e Hyundai Getz lo a bira

malo, hala na man drechi bay dal un Honda Fit staciona. Debi na e impacto e chauffeur a resulta herida.

Na yegada di e ambulance nan a atende e persona.

Chauffeur a perde control, dal contra tubo di borchy y bay para otro banda di caminda pariba di rotonde



Diahuebs atardi a drenta informe di un accidente cu hende herida pariba di e rotonde aeropuerto,

mesora a dirigi tanto polis como ambulance na e sitio.

Na yegada di e patruya a bin compronde cu e chauffeur di un Mazda Demio bayendo pabao a perde control bay dal

tubo grandi y despues bay para otro banda di e caminda. Debi na e impacto e chauffeur a resulta herida.

Na yegada di e ambulance nan a atende y a transport'e pa hospital.

Persona di edad a cay for di dak di 3 meter halto na Bontemantelstraat



Diahuebs atardi a drenta informe di cu un persona di edad lo a cay for di un dak di 3 meter halto na Bontemantelstraat, mesora a dirigi un ambulance na e sitio.

Na yegada di e ambulance a haya e persona ta halando rosea pero papiando masha "groggy". Mesora e ambulance a atende y a transport'e pa hospital.

Persona a haya un atake di epilepsia y dal abao kap su frenta

Diabierna mainta a drenta informe di cu un persona a cay kap su frenta na Bubali, mesora a dirigi un ambulance na e sitio.

bin compronde cu aki ta trata di un persona di 74 aña cu a haya un atake di epilepsia y a cay abao kap su frenta y tabata sangra. Mesora nan a atende y a transport'e pa hospital.

Na yegada di e ambulance a



Departamento di Husticia ta despedi 3 fiscal involucra den caso criminal di Jan. 6

(AP) - Departamento di Husticia a despedi 3 fiscal involucra den e caso criminal tocante e entrada na U.S Capitol, e decision mas recien di e administracion di Trump unda a tuma accion contra fiscalnan conecta na e persecucion masivo di e atake di dia 6 di januari den 2021.

Esnan cu a despedi ta inclui 2 abogado cu tabata traha como supervisor di e persecucion den e caso aki na fiscal di Washington ademas di uno cu a persigui caso cu a surgi for di e atake di Capitol, e fuentenan di AP a splica. Nan a papia bao condicion di keda anonimo.

Un carta cu a ricibi di un di e fiscalnan tabata firma pa Procurador General Pam Bondi. E carta no a provee un motibo pa nan despido, tabata efectivo inmediatamente, citando solamente "Artikel II di Constitucion Mericano y Leynan di Merca," segun un copia mira pa The Associated



Press.

Un vocero di e departamento di husticia a nenga duna comentario.

E terminacionnan aki ta marca un otro escalacion di ac-

cion cu no ta e norma y cu a bati alarma tocante e administracion di Trump y falta di consideracion cu e proteccionnan di ambtenaarnan pa abogadonan y e erosion di e Departamento di Husticia su independencia for di

e Cas Blanco. Lidernan Top di e Departamento di Husticia tambe a despedi empeladonan cu a traha den e caso contra Trump y a baha algun di supervisor den loke ta mira como un intento di limpia e agencia for di abogadonan

mira como no leal.

Trump su pordon di e manifestantenan di Jan. 6 a genera preocupacion tocante e accionnan cu ta tuma contra abogadonan involucra den e persecucion masivo di e mas di 1,500 sostenedor di Trump cu a drenta Capitol mientras legisladornan a reuni pa certifica Joe Biden su victoria den e eleccion. Trump a pordona of cambia e sentencia di tur di nan den su prome dia den e Cas Blanco, liberando persona condena pa conspiracion di sedicion y agresion violento contra polis for di prison.

Durante su tempo como Abogado Mericano interino na Washington, Ed Martin den februari a baha di posicion varios fiscal involucra den e casonan di Jan. 6, incluyendo e abogado cu tabata hefe di Capitol Siege Section. Otronan cu a baha di posicion ta inclui dos abogado cu a yuda yega na e condena di conspiracion di sedicion contra fundador di Oath Keepers Stewart Rhodes y ex presidente nacional di Proud Boys, Enrique Tarrío.

Resultado Sorteo 28 y 29 juni 2025																																																																																																																											
Cadena Alexander Lottery ta presenta resultado di weganan di suerte																																																																																																																											
<table><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>0133</td><td>5356</td><td>6251</td><td>5611</td></tr><tr><td>7857</td><td>3840</td><td>SUPER5</td><td>9905</td></tr><tr><td>4292</td><td>0556</td><td>-</td><td>7844</td></tr></table>				DIARIO	KORSOU	SUPER4	FLAMINGO	0133	5356	6251	5611	7857	3840	SUPER5	9905	4292	0556	-	7844	<table><tr><th colspan="4">DIADOMINGO</th></tr><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>7786</td><td>9672</td><td>7482</td><td>3626</td></tr><tr><td>5480</td><td>5084</td><td>SUPER5</td><td>7441</td></tr><tr><td>7711</td><td>1887</td><td>-</td><td>6285</td></tr></table>				DIADOMINGO				DIARIO	KORSOU	SUPER4	FLAMINGO	7786	9672	7482	3626	5480	5084	SUPER5	7441	7711	1887	-	6285																																																																																
DIARIO	KORSOU	SUPER4	FLAMINGO																																																																																																																								
0133	5356	6251	5611																																																																																																																								
7857	3840	SUPER5	9905																																																																																																																								
4292	0556	-	7844																																																																																																																								
DIADOMINGO																																																																																																																											
DIARIO	KORSOU	SUPER4	FLAMINGO																																																																																																																								
7786	9672	7482	3626																																																																																																																								
5480	5084	SUPER5	7441																																																																																																																								
7711	1887	-	6285																																																																																																																								
MERDIA		ANOCHI		DIADOMINGO MERDIA																																																																																																																							
<table><tr><td></td><td></td></tr><tr><td>Sorteo # 4664</td><td>Sorteo # 8582</td></tr><tr><td>7189</td><td>1843</td></tr><tr><td>7633</td><td>5847</td></tr><tr><td>5688</td><td>6622</td></tr><tr><td></td><td></td></tr><tr><td>X2</td><td>FP</td></tr><tr><td></td><td></td></tr><tr><td>Sorteo # 4664</td><td>Sorteo # 7626</td></tr><tr><td>5862</td><td>3977</td></tr><tr><td></td><td></td></tr><tr><td>FP</td><td>X2</td></tr><tr><td></td><td></td></tr><tr><td>Sorteo # 2720</td><td>Sorteo # 2331</td></tr><tr><td>0851</td><td>7364</td></tr><tr><td></td><td></td></tr><tr><td>Sorteo # 4664</td><td>Sorteo # 6385</td></tr><tr><td>3996</td><td>4667</td></tr><tr><td>Tauro</td><td>Aries</td></tr><tr><td></td><td></td></tr><tr><td>Sorteo # 1538</td><td>Sorteo # 1315</td></tr><tr><td>943</td><td>007</td></tr><tr><td></td><td></td></tr><tr><td>X3</td><td>X3</td></tr></table>				Sorteo # 4664	Sorteo # 8582	7189	1843	7633	5847	5688	6622			X2	FP			Sorteo # 4664	Sorteo # 7626	5862	3977			FP	X2			Sorteo # 2720	Sorteo # 2331	0851	7364			Sorteo # 4664	Sorteo # 6385	3996	4667	Tauro	Aries			Sorteo # 1538	Sorteo # 1315	943	007			X3	X3	<table><tr><td></td><td>04-09-12-16-31</td></tr><tr><td>Sorteo # 2605</td><td>Joker 15 Letter A</td></tr><tr><td>0 x Jackpot</td><td>Proximo Jackpot</td></tr><tr><td>0 x Match 4+</td><td>190.000,-</td></tr><tr><td>11 x Match 4</td><td></td></tr><tr><td>267 x Afl. 12,00</td><td></td></tr></table> <table><tr><td></td><td>08-19-23-29-30</td></tr><tr><td>Sorteo # 6870</td><td>Proximo Jackpot</td></tr><tr><td>0 x Jackpot</td><td>55.000,-</td></tr><tr><td>6 x Match 4</td><td></td></tr><tr><td>116 x Afl. 8,00</td><td></td></tr></table>			04-09-12-16-31	Sorteo # 2605	Joker 15 Letter A	0 x Jackpot	Proximo Jackpot	0 x Match 4+	190.000,-	11 x Match 4		267 x Afl. 12,00			08-19-23-29-30	Sorteo # 6870	Proximo Jackpot	0 x Jackpot	55.000,-	6 x Match 4		116 x Afl. 8,00		<table><tr><td></td><td></td></tr><tr><td>Sorteo # 4665</td><td>Sorteo # 8871</td></tr><tr><td>4031</td><td>0 x Jackpot</td></tr><tr><td>0281</td><td>0 x Match 4+</td></tr><tr><td>1557</td><td>0 x Match 4</td></tr><tr><td></td><td>0 x Afl. 12,00</td></tr><tr><td>FP</td><td></td></tr><tr><td></td><td></td></tr><tr><td>Sorteo # 4665</td><td>Sorteo # 8871</td></tr><tr><td>3998</td><td>0 x Jackpot</td></tr><tr><td></td><td>4 x Match 4</td></tr><tr><td>X2</td><td>99 x Afl. 8,00</td></tr><tr><td></td><td></td></tr><tr><td>Sorteo # 2721</td><td></td></tr><tr><td>2986</td><td></td></tr><tr><td></td><td></td></tr><tr><td>Sorteo # 4665</td><td></td></tr><tr><td>3567</td><td></td></tr><tr><td>Geminis</td><td></td></tr><tr><td></td><td></td></tr><tr><td>Sorteo # 1539</td><td></td></tr><tr><td>680</td><td></td></tr><tr><td></td><td></td></tr><tr><td>X2</td><td></td></tr></table>				Sorteo # 4665	Sorteo # 8871	4031	0 x Jackpot	0281	0 x Match 4+	1557	0 x Match 4		0 x Afl. 12,00	FP				Sorteo # 4665	Sorteo # 8871	3998	0 x Jackpot		4 x Match 4	X2	99 x Afl. 8,00			Sorteo # 2721		2986				Sorteo # 4665		3567		Geminis				Sorteo # 1539		680				X2	
																																																																																																																											
Sorteo # 4664	Sorteo # 8582																																																																																																																										
7189	1843																																																																																																																										
7633	5847																																																																																																																										
5688	6622																																																																																																																										
																																																																																																																											
X2	FP																																																																																																																										
																																																																																																																											
Sorteo # 4664	Sorteo # 7626																																																																																																																										
5862	3977																																																																																																																										
																																																																																																																											
FP	X2																																																																																																																										
																																																																																																																											
Sorteo # 2720	Sorteo # 2331																																																																																																																										
0851	7364																																																																																																																										
																																																																																																																											
Sorteo # 4664	Sorteo # 6385																																																																																																																										
3996	4667																																																																																																																										
Tauro	Aries																																																																																																																										
																																																																																																																											
Sorteo # 1538	Sorteo # 1315																																																																																																																										
943	007																																																																																																																										
																																																																																																																											
X3	X3																																																																																																																										
	04-09-12-16-31																																																																																																																										
Sorteo # 2605	Joker 15 Letter A																																																																																																																										
0 x Jackpot	Proximo Jackpot																																																																																																																										
0 x Match 4+	190.000,-																																																																																																																										
11 x Match 4																																																																																																																											
267 x Afl. 12,00																																																																																																																											
	08-19-23-29-30																																																																																																																										
Sorteo # 6870	Proximo Jackpot																																																																																																																										
0 x Jackpot	55.000,-																																																																																																																										
6 x Match 4																																																																																																																											
116 x Afl. 8,00																																																																																																																											
																																																																																																																											
Sorteo # 4665	Sorteo # 8871																																																																																																																										
4031	0 x Jackpot																																																																																																																										
0281	0 x Match 4+																																																																																																																										
1557	0 x Match 4																																																																																																																										
	0 x Afl. 12,00																																																																																																																										
FP																																																																																																																											
																																																																																																																											
Sorteo # 4665	Sorteo # 8871																																																																																																																										
3998	0 x Jackpot																																																																																																																										
	4 x Match 4																																																																																																																										
X2	99 x Afl. 8,00																																																																																																																										
																																																																																																																											
Sorteo # 2721																																																																																																																											
2986																																																																																																																											
																																																																																																																											
Sorteo # 4665																																																																																																																											
3567																																																																																																																											
Geminis																																																																																																																											
																																																																																																																											
Sorteo # 1539																																																																																																																											
680																																																																																																																											
																																																																																																																											
X2																																																																																																																											
<table><tr><td></td><td>Sorteo #</td><td>Mega Ball</td></tr><tr><td>0 x Jackpot</td><td></td><td>Proximo Jackpot</td></tr><tr><td>0 x match 4</td><td></td><td>750.000,-</td></tr><tr><td>0 x Afl. 500,00</td><td></td><td></td></tr><tr><td>0 x Afl. 50,00</td><td></td><td></td></tr><tr><td>0 x Afl. 15,00</td><td></td><td></td></tr></table>			Sorteo #	Mega Ball	0 x Jackpot		Proximo Jackpot	0 x match 4		750.000,-	0 x Afl. 500,00			0 x Afl. 50,00			0 x Afl. 15,00			<table><tr><td></td><td>Sorteo #</td><td>Mega Ball</td></tr><tr><td>0 x Jackpot</td><td></td><td>Proximo Jackpot</td></tr><tr><td>0 x match 4</td><td></td><td>750.000,-</td></tr><tr><td>0 x Afl. 500,00</td><td></td><td></td></tr><tr><td>0 x Afl. 50,00</td><td></td><td></td></tr><tr><td>0 x Afl. 15,00</td><td></td><td></td></tr></table>			Sorteo #	Mega Ball	0 x Jackpot		Proximo Jackpot	0 x match 4		750.000,-	0 x Afl. 500,00			0 x Afl. 50,00			0 x Afl. 15,00																																																																																						
	Sorteo #	Mega Ball																																																																																																																									
0 x Jackpot		Proximo Jackpot																																																																																																																									
0 x match 4		750.000,-																																																																																																																									
0 x Afl. 500,00																																																																																																																											
0 x Afl. 50,00																																																																																																																											
0 x Afl. 15,00																																																																																																																											
	Sorteo #	Mega Ball																																																																																																																									
0 x Jackpot		Proximo Jackpot																																																																																																																									
0 x match 4		750.000,-																																																																																																																									
0 x Afl. 500,00																																																																																																																											
0 x Afl. 50,00																																																																																																																											
0 x Afl. 15,00																																																																																																																											
<table><tr><td></td><td colspan="2">Afl. 1.100.000,-</td></tr><tr><td></td><td colspan="2">Sorteo #</td></tr><tr><td>Sorteo #</td><td colspan="2"></td></tr></table>			Afl. 1.100.000,-			Sorteo #		Sorteo #			<table><tr><td></td><td colspan="2">Afl. 1.100.000,-</td></tr><tr><td></td><td colspan="2">Sorteo #</td></tr><tr><td>Sorteo #</td><td colspan="2"></td></tr></table>			Afl. 1.100.000,-			Sorteo #		Sorteo #																																																																																																								
	Afl. 1.100.000,-																																																																																																																										
	Sorteo #																																																																																																																										
Sorteo #																																																																																																																											
	Afl. 1.100.000,-																																																																																																																										
	Sorteo #																																																																																																																										
Sorteo #																																																																																																																											





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591

www.famiaplanea.org

famiaplanea@hotmail.com

Stichting Fundacion Guia Mi

George Madurostraat 34

297-582-0088

Y M C A

Calbasstraat 1 Aruba

297-582-3072

AL-ANON group

Sabana Liber #8, Noord

(close to the hotels)

Tel: 736-2952 or

593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Sta. Cruz : **Centro Medico:**
Tel. 585 8028 Tel. 584 5794
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Fanaticonan ta despedi di 4 panda gigante na zoologico di Hapon prome cu nan bay rumbo pa China



(AP) - Miles di fanatico a despedi diabierna di un famia di 4 panda gigante na un zoologico di un pueblo di Hapon, Shiri-hama, mientras e bestianan a haci nan ultimo presentacion publico prome cu nan regreso pa China.

Alrededor di 3,000 bishitante a bay e parke tematico Adventure World pa mira e bestianan stima aki pa ultimo biaha. Varios a core bay directamente na e zona di exhibicion di e panda, yamando e number di nan faborito.

Aunke e mama di 24 aña Rauhin y su 3 yiu - Yuihin, Saihin y Fuhin - tur a nace y crece na e parke, nan ta bao prestamo di China y awo mester regresa.

Na momento cu nan regresa China, Xiao Xiao y Lei Lei na tokyo su Ueno Zoo lo ta e unico pandanan cu ta keda na Hapon. Mas di 1,000 persona, varios cu bistimenta di tematica di Panda, a para edn rij pafo na e entrada di e parke tematico oranan prome cu esaki a habri mientras cu otro nan a campa pafo e anochi anterior.

Algun tabatin lagrima den nan wowo mientras nan tabata mira imagen di e pandanan ora cu nan tabata chikito.

Yoshihiko Fukuzumi ta recorda e yega di e prome 2 panda na e parke 30 aña atras y a mira nan famia crece. Awo desde cu el a retira 3 aña atras, e y su casa ta bishita nan casi tur siman. "Pa nos, nan ta manera nos nietonan."

Pandanan gigante ta nativo di China y ta un mascota nacional aunke no oficial. Beijing ta fia nan na otro paisnan como un señal di buena fe, pero ta mantene propiedad di nan y cualkier baby cu nan produci.



Naci den 2000, Rauhin tabatin 7 otro yiu cu Eimei, un panda masculino manda for di China den 1994. Eimei a regresa cas dos aña atras y desde e tempo aki a fayece. A pesar di lasonan politico bao presion entre Hapon y

China, e pandanan gigante ta sumamente popular na Hapon.

"Cu solamente wak e pandanan nos ta sinti conforta," director di e zoologico Koji Imazu a expresa.

Pronostico di tempo

Tempo:

Awe nochi: parcialmente nubla y generalmente seco
Den marduga y mañan: parcialmente nubla cu un awasero breve

Temperatura maximo 33 grado celsius

Temperatura minimo 27 grado celsius

Indice di calor (heat index) den y rond di oranan di merdia: 34 pa 40 grado celsius
Uv index: 12

Bahada di solo : 7:09 pm


Subida di solo : 6:18 am

Biento:

Modera te basta fuerte for di direccion oost;
Forsa 4 te 5 (20 te 39 km/ora, 11 te 21 nudo)
Den dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:

Condicionnan levemente instabil combina cu un ola tropical cu ta moviendo den parti oost di Caribe, lo trece humedad den area. Esaki lo pone cu de bes en cuando algun nubia lo pasa riba region local y produci algun awa-



sero breve. No ta exclui posibilidad di lamper cu strena. Awasero por causa molester na cierto partinan di e isla.

Mas aleu, un concentracion leve te modera di stof di Sahara lo persisti, strobando visibilidad y treciendo aire di menos bon calidad den region. Personanan cu tin sensibilidad pa cambionan den calidad di aire mester tene esaki na cuenta.

Condicionnan maritimo/ estado di lama:

Na partinan protegi di costa: keto, rond di 1 pia.

Na partinan zuid: tranquil te modera cu olanan di 1 pa 3 pia.

Na partinan oost te noordwest di costa; generalmente modera cu olanan di 4 pa 7 pia.

Aurora

Royal Pray

Funeral Home & Crematory

"Señor ta mi wardador, mi no tin falta di nada
Den kunuku di yerba berde e ta ponemi sosega"
Salmo 23

Agradecido pa tur locual e la nifica pa nos, nos
ta participa fayecimento di



Sra. Vda. Mildred Arsenia Susanna-Girigorie
Mihor conoci como "Mimi"
*14-12-1937 - †24-06-2025

Casa: Dominico "Dindi" Susanna

Na nomber di su:

Yiunan:

Iris Susanna na Korsow

Lisette Susanna y famia na Hulanda

Su nieto y nieta:

Aldrick y Vanessa Susanna na Hulanda

Su rumannan:

Stanley Rosina

Amado Rosina

Stella Etienne na Inglatera

†Wifred Rosina na hulanda

Tur cu nan respectivo famia

Sobрино y sobrinanan: Betty, Yvonne, Jovanka,
Joshua na Hulanda, Curtis, †Wilfred, †David,
Karin na Inglatera, Edger, Edston, Saskia,
Anouska, †Arcadio

Primo(a)nan na Aruba y Korsow

Swa y cuñanan:

Wilfred Susanna, Wilfrido Susanna, Johanita
Susanna Cicilia Susanna, †Elvia Liseur, †Agnes
Susanna, †Lucio Susanna, †Crisma Susanna na
Corsow, Leo Etienne na Inglatera tur ku nan
respektivo famia

Amiganan:

Jeanne Porino

Mirna Illes

Su grupo di damas Honeybees di Dakota

Demas famia: Rosina, Girigorie, Susanna,
Brion, Conquet, Beukenboom, Hodge, Eustace,
Etienne, Bienvenida, Henderson, Kock, Figaroa na
Venezuela

Zusters y broedersnan di Wit Gele Kruis
Adjudante di kas: Marion, Sra Cristina di Cas di
Machi
Si den nos tristesa nos por a lubida algun famia, nos
disculpa pa esaki.

Acto di entierro lo tuma lugar dialuna 30 di juni
2025. Ta cuminsa ricibi bishita for di 2:00 pa 3:30
pm na misa Fatima na Dakota. Sigi pa un respons
4:00 pm. Cremashon lo tuma luga den seno
familiar

Despues di entierro no ta ricibi bishita di
condolencia na cas.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu hopi tristesa nos ta anuncia cu a bay laga
nos:



Emile Alois de Cuba
*10-11-1945 †24-06-2025

Yiunan:

Emile Jr. & Tamara de Cuba

Jill M. de Cuba

Nieto(a)nan:

Nailah A. de Cuba

Sophia U. de Cuba

Rumannan:

Eileen & Herman Paalman

†Johnny & †Liesbeth de Cuba

Pinky de Cuba

†Tico & Rica de Cuba

Randy & Yolanda de Cuba

Subrino(a)nan:

Mariela, Karen y Roxane Paalman

Guido y Eileen de Cuba

Maureen van Eede

Rubén y Olivia de Cuba

Amigo(a)nan stima:

Michael & Natalie de Cuba

Tito & Jenny de Cuba

John Fingal & Mirta Evertsz

Margie van Gijn

Boy & Celina Laclé

Glenn & Cha Marugg

Frederick & Monica Nuboor

Nina & Gaby Werleman (cu un danki special)

Primo(a)nan , amigo y conocirnan, bisniñanan

Demas famia de Cuba, Henriquez, Loefstok,
Croes, Magré, van Eede, Croeze, Metaal,
Zinghini, empleadonan di Leysner & de
Cuba, amigonan di Roadside Café y demas
famia y amigonan, mucho hopi pa menshona.

Ta invita pa acto di despedida cu lo tuma
lugar dialuna dia 30 di juni 2025 na Aurora
Funeral Home di 1or pa 4or di merdia. Acto
di cremashon lo tuma lugar den seno familiar.
Despues di cremashon no ta ricibi bishita di
condolencia na cas.

Nos disculpa si den nos tristesa nos por a
lubida cualkier persona.

Olanan di calor severo ta golpia sur Europa mientras autoridadnan ta adverti tocante riesgo di incendio forestal



(AP)—Olanan di calor
severo den sur di Euro-
pa a hisa e temperatura
riba 40 grado celsius
den algun pais incluy-
endo Italia, Spaña y
Grecia, mientras auto-
ridadnan local ta emiti
advertencianan contra
riesgo di incendio for-
estal.

Expertonan ta conecta e
frecuencia y intensidad
di e olanan di calor aki
na cambio di clima, ad-
vertiendo cu clima extre-
mo asina ta birando mas y
mas comun den e region.

Olanan di calor severo
a ser registra den Italia,
Grecia, Spaña y Portugal
prome cu weekend, cu lo-
cal y turistanan tumando
sombra for di e condicion
extremo.

Dos-tercer di Portugal
tabata na alerta diado-
mingo pa calor extremo
y incendio forestal, unda
e anticipa e temperatura
di subi pa 42 C na Lisbon.

Grecia atrobe tabata na
alerta pa via di e clima
extremo, unda ta anticipa
cu e prome ola di calor
di verano lo continua du-
rante weekend.

Un incendio forestal
grandi a plama den sur
di Atenas diahuebs, for-
sando evacuacion cerca
di e Templo Antiguo di
Poseidon.

Autoridadnan Grecio a
desplega 130 bombero,
12 avion y 12 helicop-
ter pa aborda e candela,
mientras polis a evacua 40
hende, y a pone cinco area
bao orden di evacuacion.

Expertonan ta adverti cu
e calor intenso por afecta
bida diario, specialmente
pa e poblacion vulnerable
manera adulto mayor y
muchanan. Autoridad
local a conseha contra
actividad fisico durante e
oranan mas calor di dia,
y a recomenda bebe hopi
awa.

Aurora

Royal Pray

Funeral Home & Crematory

"Señor ta mi wardador, mi'n
tin falta di nada.
Den cunucu di yerba berde e
ta ponemi sosega.
E ta hibami na awa trankil,
pa mi bolbe haña forsa".
Salmo: 23



Cu dolor na nos curason, pero conforme cu Dios
su boluntad, nos ta participa fayecimento di nos ser
stima:

Johnny Keneth Simoons
Mihor conoci como "Django"
*03-04-1946 - †27-06-2025

Acto di despedida lo wordo anuncia despues

Loke ta den e version mas recien di Trump su legislacion den Senado

(AP)—Cu casi 940 pagina, e legislacion ta un coleccion diverso di exencion di impuesto, recorte riba gasto y otro prioridadnan Republicano, incluyendo placa nobo pa defensa nacional y deportacion. Awor ta keda den man di e Congreso si e paquete di politica domestico di presidente Donald Trump lo bira ley.

Trump a conta Republicanonan, ken tin e poder mayoria den e House y Senado, pa cancela nan vakantie y entrega e legislacion pa dia 4 di juli (Dia di Independencia Mericano).

Senadornan tabata trahando durante weekend pa aproba e legislacion y mand'e back pa House pa un voto decisivo. Democratanan ta uni contra esaki.

Esaki ta kico ta inclui den version mas recien di e legislacion. Por tin cambio mientras legisladornan ta negocia.

Recorte di impuesto ta prioridad

Republicanonan ta bisa cu e legislacion ta crucial pasobra lo tin un aumento di impuesto despues di december ora exencion den impuesto di Trump su prome termino ta vence. E legislacion ta contene casi 3,8 triyon dollar den recorte di impuesto.

E grado di impuesto actual lo bira permanente bao di e legislacion. E lo temporalmente agrega un exencion nobo cu Trump a campaña riba dje: ningun impuesto riba tip, pago overtime of algun prestamo pa auto, hunto cu un deducccion mas grandi di 6.000 dollar den e legislacion Senatal pa adulto mayor cu ta gana menos cu 75.000 dollar pa aña.

E lo aumenta e credito di 2.000 dollar pa impuesto di mucha pa 2.200 dollar bao e propuesta Senatal. Famianan cu salarionan mas abao no lo mira e suma completo.

Un tasa riba deducccion estatal y local, yama SALT, lo quadrupel pa 40.000 dollar durante cinco aña. Esaki ta un provision importante pa New York y otro estado cu impuesto halto, aunke e House kier pa esaki dura pa 10 aña.

Tin cantidad di recorte riba impuesto relaciona cu empresa.

E hogarnan mas rico lo mira un aumento di 12.000 dollar di e legislacion, cual lo costa



esnan mas pover 1.600 dollar pa aña, segun e analisis di e Oficina Congressional di Presupuesto (CBO). Pagadornan di impuesto cu salario medio lo mira un exencion di 500 pa 1.500 dollar, CBO a bisa.

Placa pa deportacion, un muraya riba frontera y e 'Golden Dome'

E legislacion lo provee casi 350 miyon dollar pa Trump su agenda riba frontera y seguridad nacional, incluyendo 46 miyon dollar pa e frontera entre Merca y Mexico y 45 biyon dollar pa 100.000 cama den facilidatnan di detencion di migrante, mientras e ta purba cumpli cu su promesa di un operacion di deportacion masal den historia di Merca.

Placa lo bay pa recluta 10.000 agente di e departamento di Inmigracion, ICE, cu 10.000 dollar den bonus asigna y un aumento di agente di Patrulla riba Frontera tambe. E meta ta pa deporta 1 miyon hende tur aña.

E secretario di 'homeland security' lo tin un fondo nobo di 10 biyon dollar pa otorga na estadonan cu lo yuda cu aplicacion federal riba inmigracion y accionnan di deportacion. E Procurador General lo tin 3,5 biyon dollar pa un fondo similar, conoci como e Bridging Immigration-related Defi-

cits Experienced Nationwide, or BIDEN, refiriendo na ex-presidente Democractico Joe Biden.

Pa yuda paga pa tur cos, inmigrantenan lo enfrenta varios tarifa nobo, incluyendo ora nan busca proteccion di asilo.

Pa e Pentagon, e legislacion lo provee biyones pa construcion di barco, sistemanan di municion, y medidanan di calidad di bida pa militarnan, como tambe 25 biyon dollar pa e desaroyo di e sistema di defensa misil 'Golden Dome'. E Departamento di Defensa lo tin 1 biyon pa seguridad riba frontera.

Con ta paga pa tur cos? Recorte riba Medicaid y otro programa

Pa yuda estabilisa e perdida den ganashi for di impuesto y gastonan nobo, Republicanonan tin e meta pa haci recortenan riba algun programa federal: Medicaid, voucher pa cuminda, incentiva di energia limpi y varios otro mas. E lo esencialmente desenreda e logronan di e dos presidentenan Democractico, Biden y Barack Obama.

Republicanonan ta argumenta cu pa nan ta purbando di modifica e scala di e programanan pa e poblacion pa cual nan ta originalmente destina, esta hende muher na estado, hende

cu discapacidad y muchanan, y saca afo loke nan ta describi ta un desperdicio, fraude y abuso.

E paquete ta inclui un requisito nobo di 80 ora di trabao pa luna pa hopi adulto cu ta ricibi Medicaid y voucher di cuminda, incluyendo adultonan mayor. Mayornan di muchanan di 14 aña bay ariba lo mester cumpli cu e rekisitonan di trabao di e programa.

Tambe tin un propuesta nobo di un co-pago di 35 dollar cu por ser cobra na pashentnan usando serviccionan di Medicaid.

Casi 80 miyon hende ta depende riba Medicaid, cual a expande riba e Acto di Cuido Pagable di Obama, y 40 miyon hende ta usa e Programa di Asistencia pa Suplemento Nutricional. Mayoria ya ta traha, segun analistanan.

CBO ta calcula cu bao di e legislacion aproba pa e House, al menos 10.9 miyon hende mas lo keda sin cobertura pa cuido medico y 3 miyon mas no lo cualifica pa voucher pa cuminda. E Senado ta propone un Programa di Transformacion di Hospital den Areanan Rural di 25 biyon dollar cu lo yuda estabilisa e placa reduci den Medicaid. E ta un adicon nobo, diseña pa convence senadornan y un coalicion di e Republicanonan den e House cu ta advertiendo cu e recorte propone riba Medicaid lo trece daño na hospitalnan den areanan rural.

Ambos e legislacionnan den e House y Senado ta propone un recorte dramatico di e exencion di impuesto pa energia limpi pa vehiculonan electrico. Tambe esakinan lo termina varios produccion y inversion cu compa-

nianan di credito di impuesto ta usa pa sostene proyectonan di biento, solo y otro energia renovable.

Den total, ta anticipa cu e recortenan riba Medicaid, vouchernan di cuminda y programanan di energia limpi lo trece al menos 1,5 triyon dollar pa spaar.

Trump su cuenta di spaar y hopi mas

Un cantidad di provision extra ta refleha otro prioridadnan Republicano. E House y Senado ambos tin un programa di spaar pa mucha, yama Trump Accounts, cu un posible deposito di 1.000 dollar for di e Tesoreria.

E Senado a provee 40 miyon dollar pa establece e "National Garden of American Heroes" cu Trump tin tempo ta busca.

Tin un impuesto nobo riba financiamiento pa universidadnan. Un impuesto di 20 dollar riba silencer pa pistol, rifle y shotgunnan a ser elimina. Un provision ta prohibi placa pa proveedornan di cuido familiar, notadamente Planned Parenthood, mientras cu 88 miyon dollar lo ser aloca pa un comite di respuesta di pandemia. Un otro seccion ta expande e Acto di Compensacion pa Exposicion di Radiacion, un provision di Senador Josh Hawley, pa esnan afecta pa desaroyo y testing nuclear.

Biyones lo bay pa e mision lunar Artemis y pa exploracion di Marte.

E legislacion lo stroba estadonan regula inteligencia artificial por medio di conecta cierto placa federal pa infraestructura di AI cu mantencion di un vries. Diessiete gobernador Republicano a puntra lidernan Republicano pa anula e provision aki.

Ademas, un otro provision lo aumenta e limite di debe nacional, cu 5 triyon dollar, pa permiti prestamo continuo pa paga cuantanen.

Tur hunto, manteniendo e exencion di impuesto y agrega esnan nobo lo costa 3,8 triyon dollar durante e proximo decada, CBO ta anticipa den su analisis di e legislacion di e House. Un analisis di e legislacion di Senado ta pendiente.

CBO ta calcula cu e paquete di House lo agrega 2,4 triyon dollar na e deficit nacional durante e proximo decada.



Presidente di Uganda ta busca di siete termino cu lo trec'e mas cerca di 5 decada den poder

(AP) — Presidente Ugandes Yoweri Museveni a busca un nominacion diasabra pa un di siete termino, un movida cu lo trec'e mas cerca pa cera 5 decada den poder den e pais Oost Africano.

Museveni, 80, a nenga yamado pa su retiro, mientras criticonan ta adverti cu el a bay den direccion di autoritarismo cu casi ningun oposicion, incluyendo dentro di su partido gobernante.

Un multitud grandi di simpatisadornan a brind'e bon bini mientras el a bay colecta documentonan di nominacion for di e oficina di partido na Kampala, e capital. El a bisa den un discurso na su simpatisadornan cu, si e ser

reeligi, un di su meta ta pa combati corrupcion di oficialnan. "Durante e tempo aki mi kier elimina corrupcion," el a bisa.

Museveni a tuma poder como lider di un forza rebelde na 1986. Desde e tempo ey el a gana seis eleccion, aunke e eleccionnan recien tabata plaga pa violencia y acusacionnan di fraude den votacion. Su oponente principal den e ultimo eleccion tabata e artista popular Bobi Wine, ken tambe a declara su candidatura den eleccion pa januari.

Wine, di ken su nomber legal ta Kyagulanyi Ssentamu, a mira hopi di su socionan en-carcela of huy mientras forsan den di seguridad ta aborda riba simpatisadornan di

oposicion. Museveni a des-carta Wine como "un agente di interes stranhero" ken no por confia cu poder. Wine a ser deteni varios biaha riba diferente cargo, pero nunca a ser condena. E ta insisti cu e ta conduciendo un campaña sin violencia.

Algun decada atras, Museveni mes a critica lidernan Africano cu a keda demasiado largo den oficina. Na Uganda, legisladornan a haci mesun p'e ora anula e ultimo obstaculo constitucional—limite di edad—pa un posible presidencia di bida largo. Su yiu homber, hefe miltar Muhoozi Kainerugaba, a afirma su deseo pa sucede su tata, cual a causa preocupacion di gobernacion hereditario.



(AP) - Decenas di manifestante contra gobierno a keda deteni durante choke cu polis na Serbia su capital diasabra durante un marcha grandi contra presidente populista Aleksandar Vucic, exigiendo un eleccion parlamentario trempa.

E manifestacion di miles di manifestante a keda organisa despues di casi 8 aña di oposicion constante lidera pa Serbia su studentenan di universidad cu a sacudi Vucic su posicion fuerte den poder na e pais.

E grupo inmenso di hende tabata grita "Nos kier eleccion!" mientras nan tabata yena e capital su Slavija Square y varios caya cerca, cu varios sin por yega e sitio.

Polis a boei e manifestantenan deteni y un oficial a ser mira herida riba vloer durante batayanan riba caya den Belgrade cu a dura varios ora. 6 polis y un cantidad desconoci di ciudadano tabata herida, segun polis a informa.

"Serbia semper ta gana na final," Presidente Vucic a bisa den un publicacion riba Instagram.

Vucic, un ex nacionalista extremo, a bira cada biaha mas autoritario desde cu el a subi mando mas cu un decada atras. Aunke e ta bisa formalmente cu e kier pa Serbia uni e Union Europeo, criticonan ta bisa cu Vucic a stroba libertadnan democratico mientras e ta fortalece lasonan cu Rusia y China.

Mientras e manifestacion a



Decenas di manifestante contra gobierno deteni durante choke cu polis na Serbia

caba formalmente, e manifestantenan a tira webo, boter di plastic y otro obhetonan na e polis cu tabata preveni nan di acerca un parke. Na e parke, centenares di lealnan di Vucic tin lunanan ta campa pa forma un barera humano dilanti su oficina na e capital.

Serbia su minister di interior Ivica Dacic a bisa cu e participantenan den e manifestacion a ataca polis. El a bisa cu polis a usa nan podernan pa restaura orden publico y "detene esnan cu a ataca polis."

Polis despues a bisa cu decenas di "bandido" a keda deteni pero no a provee e cantidad exacto.

Algun manifestante a bisti cobertura riba nan cara mientras nan tabata choca cu autoridatnan, usando bari di su-shi como proteccion contra

polis cu tabatin baton. Polis a usa tambe spray di peper prome cu a pusha e manifestantenan cu nan escudo.

Tensionnan tabata halto tambe prome y durante e reunion mientras polis a desplega rond di e edificionan gubernamental. "Eleccion ta un manera cla di sali for di e crisis causa pa e accionnan di e gobierno, cual ta indudablemente contra e interes di su propio pueblo," un estudiante cu no a duna su nomber a bisa for di un escenario. "Awe, dia 28 di juni 2025, nos ta declara cu e autoridatnan actual no ta legitimo."

Na final di e parti oficial di e manifestacion, e studentenan a bisa esnan presenta pa "tuma libertad den nos propio man."

E studentenan di universidad ta un forza clave tras di manifestacionnan den henter e nacion contra corrupcion cu a cuminsa despues di accidente cu a sucede na un estacion, unda 16 persona a perde nan bida.

Varios a culpa e dak di concreet su collapse riba e gobierno su corrupcion y negligencia den proyectonan di infraestructura estatal, cual a causa manifestacionnan grandi.

"Nos ta aki awe pa motibo

cu nos no por wanta mas," estudiante Darko Kovacevic a bisa. "Esaki tin hopi tempo caba. Nos ta yen di corrupcion."

Vucic y su partido derechista den varios ocasion a nenga e exigencia pa un voto trempa y a acusa e manifestantenan di tin plan di fomenta violencia bao ordo di exterior, cual nan no a specifica ni tampoco provee evidencia.

Vucic su autoridatnan a lansa accion contra Serbia su universidadnan den welga y otro oponentenan, mientras cu tambe a aumenta e presion riba media independiente mientras nan ta purba actua contra e manifestacionnan.

Mientras cu e cantidad a disminui den simannan recien, e participacion pa diasabra su manifestacion contra Vucic a sugeri cu e determinacion ta persisti, a pesar di presion sin fin y despues di casi 8 luna di manifestacion practicamente diario.

Polis di Serbia, ken ta firmemente controla pa e gobierno di Vucic, a bisa cu 36,000 persona tabata presente na e comienso di e manifestacion diasabra. Un grupo independiente cu ta tene record di reunionnan publico a bisa cu 140,000 persona a presenta na e manifestacion lidera pa studentenan.

Miles ta protesta tocante adopcion di euro na Bulgaria y ta haci yamado pa referendum

(AP)—Algun dia prome bira e di 21 miembro di e di e movida a subi caya cu a anticipa Bulgaria di eurozona, oponentenan diasabra pa un ultimo in-

tento pa cambia e planificacion.

un voto di desconfianza den e gobierno actual, acusando e di fracasa aborda reformanan necesario pa restaura estabilidad na finanzas publico y trahando pa e adopcion obligatorio di e euro.

Parlamento lo vota riba e mocion otro siman, pero ta anticipa cu e coalicion pro-EU lo sobrevivi.

E pais Balcanico a uni na Union Europeo na 2007 y awor ta den su ultimo etapa di e accesion na e eurozona. E ultimo obstaculo institucional ta e aprobacion di ambos e parlamento Europeo na Strasbourg y e Consejo di Asunto Economico y Finanzas na Bruselas, plania pa 8 di juli.

E stapnan aki ta bin despues cu e Consejo Europeo a duna su sosten pa Bulgaria uni na e eurozona cuminsando 1 di januari 2026.

Durante miembresia den EU di casi dos decada, Bulgaria tabata plaga pa inestabilidad politico y corrupcion cu a stimula euroskepticismo entre su 6,4 miyon ciudadano.

Awor, cantidad di declaracionnan falso pa oponentenan di e eurozona a ser publica riba red social, aumentando miedo tocante cambio economico cu nan ta bisa lo trece pobresa. Economistanan ta bisa cu adopta e euro lo trece cambianan grandi na e economia Bulgaro den corto plaso. Esey ta pasobra e gobierno a establece e balor di e moneda contra e euro den ley, cu un grado vast di 1 lev pa cada 50 eurocent.

Miles di manifestante a reuni riba un plasa den centro di ciudad di Sofia pa protesta plannan di gobierno pa adopta e euro y pa exige un referendum riba e moneda nobo. Union Europeo a duna aprobacion pa Bulgaria adopta e euro cuminsando 1 di januari.

E manifestantenan, lidera pa gruponan civico, partidonan nacionalista y pro-Rusia conoci pa nan oposicion na e euro, a declara cu despues di e rally nan tin intencion di establece un campo di tent riba e plasa, yama "Ciudad di e lev," nombra pa e moneda nacional.

Riba un plataforma pa speakernan a colga un banner grandi cu ta lesa "E bataya pa e lev Bulgaro ta e ultimo bataya pa Bulgaria."

E lider di e partido pro-Rusia Vazrazhdane, Kostadin Kostadinov, a conta e manifestantenan cu e pais lo ser kita di su moneda. "Un otro persona lo dicidi con nos ta gasa nos placa, pero e presupuesto Bulgaro lo ser aproba pa e Banco Central Europeo," el a bisa. "Esaki ta un rebelion anti-estatal, esaki ta un traicion."

Kostadinov a anuncia cu legisladornan for di Alemania, Lituania, Rumania, Republica Checo, Slovakia y Hungria a uni na e evento pa sostene e protesta.

Prome cu e demostracion, Vazrazhdane a entrega un mocion den parlamento pa

INTRODUCIENDO PA TEMPO LIMITA!

PLAN 12

PAGA 11 LUNA NA TEMPO Y HAYA E ULTIMO LUNA GRATIS!

SHOP NOW
Avenida Millio Croes 41
(+297) 280 0222

electro ★

Rif di Coral
Encuentro di Conocemento

diaranzon, 2 di juli 2025
6:45pm - 8:45pm
Centro di Bario Brazil

diahuebs, 3 di juli 2025
6:45pm - 8:45pm
Centro di Bario Playa Pabao

- Introduccion di Naturalesa ta Papia
- Presentacion educativo
- Actividad interactivo
- Pregunta y contesta

'Naturalesa ta Papia' ta un programa presenta pa Aruba Conservation Foundation (ACF) cu e meta di conecta e comunidad di Aruba, atraves di diferente sesionnan pa stimula un conexion cu Aruba su naturalesa.

Naturalesa ta Papia

Registra aki.

